



ROBERT W. WOODRUFF
LIBRARY



EMORY UNIVERSITY
Special Collections & Archives







775

Amesbury

REGI SECVLOR.
IMMORTALI

S.

PALAIION

KENAN

HVMANAE SALVTIS MONVMEŅA
B·ARIE MONTANI STUDIO CON
STRVCTA ET DECANTATA

ANTVERP· EXPROTOTYPOGRAPHIA
REGIA.

PIORVM
ANIMIS
RECREAN
DIS

CHRISTOPH
PLANTINVS
D·S·P·E·C·

1571

P H

REGIÆ CATHOL. M^{ti}s. PRIVATA LEGE
BRUXELLIS ANNO D. CIO. IO. LXX.
SEPT. ID. MARTII LATA ET FIRMATA
I. DE LANGHE S'VB GRAVI MVLCTA
CAVETVR, NE QVIS, CITRA CHRI-
STOPH. PLANTINI PROTOTYPOGR.
REGII VOLVNTATEM, HÆC SALVTIS
HVMANÆ MONVMENTA, &c. PROX.
SEXENNIO VLLO MODO IMITETVR,
IMPRIMAT, VEL QVOVIS MODO
DISTRAHAT.

CHRISTOPHORVS PLANTINVS
LECTORI S.



*V*M omnes cogitationes, studium, operam, atque adeo quidquid in nobis est, candide Lector, ad Typographiam, quæ ceteras artes sua præstantia illustrat, iamdiu contulerimus; nihil nobis charius certè, aut antiquius est, quàm ut bonarum literarum, ac potissimum sacrosanctæ Theologiæ studia omni ex parte promoueamus, ac piis, iisdemque multiplici disciplinarum genere ornatis viris, continuo labore, ac industria (quantulacunque ea est) pro viribus consulamus. Neque verò in præbenda studiosis hominibus materia, & copiosa gratissimorum studiorum suppellectile a deò toti sumus, quin nonnulla etiã oblectamenta grauib; intermixta studiis, lectoribus subinde proponamus. Hoc enim inter cetera nobis semper fuit propositum, ut seriis studiis, & continuis laboribus defatigatos, incunda aliqua, neque ea tamen inani occupatione interdum detineremus. hoc itaque consilio adducti præstantis-

simos, ac probatissimos quosque Poëtas, tum veteres, tum recentiores: nonnulla etiā alia, in omni ferè artium (quarum professoribus nos satis esse facturos existimauimus) ac scientiarum genere opuscula, typis, quoad fieri potuit, elegantibus, excudimus. Cum verò inter ceteras artes, quas diuina munificentia hominibus elargita est, pictura ea sit, qua tum utilitatis, tum delectationis non infimas partes suo iure quodammodo sibi vendicet, quippe qua res omnes, quae quidem in hac rerum vniuersitate conspiciuntur, ita representet, atque ita oculos teneat, ut ea tanquā viua rerum imagines imperitos etiā ipsos res gestas luculenter edoceant, ipsumq; animum moueant, atq. adeò alias lecta, quarumq; memoria exciderat, sui inspectione in mentem reuocent, ut hac potissimum de causa non paruum hac ars cum typographica nostra affinitatem habere videatur: Instituti nostri esse existimauimus Aria Montani publica utilitatis studiosissimi, ac de bonis literis, & disciplinis optimè meriti, Architectura etiam peritissimi (cui enim nisi ingeniosissimo huic viro, tabularum, quas in hoc opere artificiosè calatas conspicias, ad-

mirabilem structurā acceptam referamus?) fecundissimum, & quouis doctrina genere refer-
tissimum opus, id est, vnā & septuaginta o-
das, quibus ille felici quadam ingenij dexteri-
tate, carminis elegantiā, & gravitate maxi-
mum, & admirabile omnino salutis nostrae
mysterium iam inde ab ipso primi parentis la-
psu ad Euangelistas usque prosecutus est, ad-
hibitis ad eam rem exercitatissimis pictoribus,
& tabellarum, quibus sacra historia aptissi-
mè representantur, calatoribus, summis labo-
ribus, ac sumptibus, quibus profectò, hac potissi-
mum in parte, ut videre est, nō pepercimus, quā
potuimus industria, typis nostris excudere: idq;
ita elaboratū & omnibus sui partibus absolutū
tibi tandē exhibere. Quā quidem in re si nostros
labores tibi gratos esse comperiemus; longē maio-
ra, Deo dante, tum ab ipso Auctore, tum etiam
à nobis posthac in communem studiosorum uti-
litatem, cui nos totos nostraq; omnia dedicaui-
mus, continuò prodibunt. Vale, & nostrum hūc
laborem equi consule. Antuerpia Calen. Maij.
Anno à Virginis partu M. D. LXXI.

CHRISTO LIBERATORI S.

CHRISTE tuas Laudes, tua magna negotia, parui
Aggredimur breuibus dicere carminibus.
Ponimus exiguis memoranda exempla tabellis,
Consilium & summi per tua gesta patris.
Annue, dum pictura oculos, auresq; canendo
Pascimus, impleri numinis usque tui.
Tunc dabitur miranda animus arcana videre,
Creditaq; humanam vincere sorte vicem.
Tunc animis fidibusq; nouis, meliora feremus
Carmina, de donis munera nata tuis.



In tabulam Mosis Prophetæ.

ODE SAPPHICA. II.

CLARA Leuitum soboles, Deo nec
Non viris charum caput, ac puellis,
Quem pater Nilus puerum innocentem
Sustulit alueo.

Si quid angusto celebrare versu
Possumus magnum, tibi nostra mixtis
Vox ferat Moses fidibus dicati
Carminis hymnum.

Te repromissa proprium salutis
Indicem, ingratus fugat in remotas
Proditor gentes, generum sed hospes
Nobilis optat.

Redditus tandem populo tuorum
Nuncius magni superum parentis,
Rector afflicti & generis minister,
Nosceris idem.

Prepotens herbis magicoque cantu
Thana mentitas simulare formas,
Mox tibi veris agitata monstris
Victaque cessit.

Impiger ductor populi timentis,
Pectora ut verbis recreas disertis,
Ipse, quæ nunquam metuis, pericla
Vincere monstras.

Numinis puræ placitura menti
Iura, quæ gentes metuantque reges,
Certus interpret capis, obstupendo
Clarus honore.

VERÆ SAPIENTIÆ RVDIMENTA.

*Dux hominum interpretq; Dei mitissime Moses
Omnia qui primus tempora ponis, aue.*



FIDELI MINISTRO POS.



In tabulam præuaricationis parentum.

ODE TRICOLOS TETRASTROPHOS. III.

EH EV laborum pondera maxima,
Mortale quondam queis premitur genus,
Inuexit orbi tunc recenti
Fæmineæ leuitatis error.

Postquàm parentum, plura petentium
Quàm vox benigni præbuerat Dei;
Attendit infausti draconis
Credulitas male suada verbis:

Ardor negatæ dum sapientiæ,
Summiqûe certans ambitio loci
Angustiores dat videri
Diuitias, cumulumqûe celat.

Pellexit arbos rarâque frondium
Prospecta, ramis forma micantibus,
Fatale ut auderent scelesto
Dente (nefas) temerare malum.

Conceptus agro pectore conscius
Succus, patenteis mox referat vias,
Qua culpa lethi sæua mater,
Visceribusque, animisque regnet.

Hoc fonte rixæ, dissidia & furor,
Pugna, rapina, sæuaque criminis
Turba & dolores in nepotum
Pernitiem & dedecus redundant.

AMBITIO ÆRVMNOSA.

*Principium errorisq; mali, miseræq; ruina
Est praeceptori credere nolle Deo.*



FRAVDIS EXPOLIATRICES MONVM.

PH

In tabulam Serpentis à Deo maledicti.

ODE DICOLOS DISTROPHOS. IIII.

VICTOR dum, patribus perpetuo iugo
Depressis, celebrat gaudia Lucifer;
Præclara & repetit cum grege perfido
Palmæ præmia nobilis:
Duci fata suis audiit abscon-
Inceptis stabili consilio Dei:
Cristatumque gemens puluere verticem
Squamosus posuit Draco.
Nam cur tu invidiæ fraudibus insolens
Virtutis referas vel sapientie
Laudem? colloquio quod superes nimis
Vano, fæmineum caput?
Iam te sollicitum terribiles metus,
Expers letitiæ & suspicio manet.
Quæ semper pauido pectore sentias,
Nec vitare queas ferus.
Quin de fæminea stirpe, tenerrimus
Nascetur valido robore surculus:
Istud conminuat qui cerebrum citò
Huic dum tu insidias paras.
Exercere malis ingenium dolis,
Et rumpi invidia, perpetuum tibi,
Torquerique animo, quod proprijs male
Demens consilijs cadas.
Dein victus grauibus guttura vinculis,
Aeternoque caput supplicio dabis,
Et commenta fremens stultitiæ tuæ
Flammis vindicibus lues.



CONSILIVM ABSCONDITVM.

*Ingeniis hominum cunctis reperire negatum
Surgit opus, magno propositum Artifici.*



MISERICORDIAE ASSERTRICI. S.

P H



In tabulam Noë sacrificantis

ODE SAPPHICA. V.

SOL ubi caelo faciem sereno
Purus ostendit, decus atque rebus
Redditum est, quales variata formas
Terra tenebat.

(Nuper heu noxis hominum per omnes
Ambitus Lunæ, penitus negata his
Visibus vitæ & pelago innatanti
Iussu latere.)

Tunc senex, auctor sobolis futuræ,
Cessante instratas pia thura ad aras
Admouet, iungens precibus probanda
Dona superstes.

Annuat votis Deus, ac benigna
Voce, sint, dixit, renouata certis.
Cursibus, iustos habitura mundi
Tempora fines.

Iam semel vastis perijisse in undis
Secula brutorum sobolemque Adami,
Sit satis, posthac potiora tecum
Fœdera iungam.

FOEDVS INSTAVRATVM.

*Fraude hominum Deus offensus cum concepit iras,
Consilij clemens est memor usque sui.*



MISERICORDIAE PROSPECTRICI S.

PH



In tabulam peregrinationis Abrahæ.

ODE DICOLOS DISTROPHOS AD FIDEM.

VI.

QVEM tu diua fides virum
Viuentem solido pectore sinxeris;
Vulgo & sepositum leui,
Arcani imbueris muneribus tui;
Illum non labor improbus,
Ignotiue loci suspicio tremens,
Aut urbis memorem sua,
Laudantemue soli commoda cogniti,
Terret, quo minus arduas
Iussus voce Dei perficiat vias.
Quamquam incerta quies loci
Non vsquam stabilem contineat domum,
Iamque exusta caloribus,
Iam concreta pigra frigoribus niuis
Ostentet regio metum:
Non syluæ indomitæ horribiles feris,
Non praeceps fluuij fragor,
Non obiecta hominum turba nocentium
Frangit propositum graue,
Quin metam teneat victor amabilem.
O virtutibus integris
Dux certa, & superum viribus amula,
O quæ corpore languidis
Robur sufficere & vim potes integram;
Tu insperata parentibus
Effæto senio pignora prospicis;
Tu montes trahere, & maris
Fluctus disicere, & flumina rupibus
Insuetas noua per vias
Deriuare potes, nam bonus omnia
Regnator superum tuis
Et sese voluit tradere nutibus.

OBEDIENTIA CONSTANS.

*Ille sapit, qui divitias patriamq, genusq,
Qui decus in solo numine proposuit.*



P.B. A.B.

FIDEI DUCI SAC.

PH



B

In tabulam tentationis Abrahæ.

ODE DICOLOS DISTROPHOS. VII.

SPECTATVM innumeris ante periculis
Viucis fidei robur, in ultimos
Incurfus stabilis sustinet Abraham,
Aeternumq; meret decus.

Inensus studiis, & docilis sequi
Quicquid vel iubeat vel vetet arbiter,
Calorum bonus & calicolum sator
Cui se subdiderat pium.

Exhausti senij pignora dulcia
Concessa, ac sobolis semina postera,
Flammis ut properet tradere mysticis;
Præsens voce monet Deus.

Illum non iuuenis vultus amabilis
Hostis qui gladium sisteret, ac manus,
Nec virtus variis unica seculis
Turbat, nec pietas patrem.

Orbande aut gemitus coniugis, & graui
Questu perpetuo difficiles dies,
Aut immensus amor continet editi
Nati non scilicet modis.

Promissam sobolem iussa negantia, &
Pugnans pollicitis consilium nouum
Non sistit dubium, nec facit exitus
Spem deponere prosperi.

Namque immota fides, cum semel hæserit
Deuoto penitus pectore, sustinet
Quicquid superum, vel genus vel inferum
Vel tentare paret Deus.

FIDEI TESTIMONIUM.

*Nil nisi quod dixit Dominus sapere, hoc sapientū est,
Et nusquam visum fallere consilium.*



DEO EXAMINATORI. S.



In somnium Iacob.

ODE DICŒLOS DISTROPHOS. VIII.

QVÆ patribus firmata olim sunt sædera primis,
Nonq̃, cæpta ab orbis ante termino;
Et quæ prima hominum; quæq̃, altera credidit ætas,
Rudi sed vsque peruoluta imagine:
Hæc eadem iam clara magis, monstrataq̃, cernit
Suo Iacobus expedita tempore.
Qui dum humilis, fugiensq̃, minas fratrisq̃, furores,
Deum vocaret, inq̃, vota posceret:
Et placido iam membra daret recreanda sopori,
Labore pressa, mente sed vigil magis:
En certus docilisq̃, poli manifesta videbat
Patentis ampla permicare limina.
Innixamq̃, solo scalam, quæ vertice summo,
Poli tonantis alta templa vinceret.
Multisidoq̃, gradu, terris deduceret imis
Ad vsque tecta fulgidi orbis aurea.
Illic supremam sedem, pater ipse benignè
Fouens, tenebat efficace numine:
Quò vultu solisq̃, ignes, hyemesq̃, niuales,
Et impotentis impetum maris regit.
Hæc iter ad superos didicit, certamq̃, patere
Viam perennis vsque ad intima ætheris.
Iamq̃, oblata hominum generi commercia diuûm
Videns, fatetur atque adorat excitus.
Cernit enim aligeros, non agmina rara, ministros
Identidem altos ferre per gradus pedem.
Inde hominum terras inuisere, rursus & isthinc
Tonantis alta commearè limina.
Tunc pauet agnoscitq̃, domum portamq̃, supernam.
Opus sed astra quod pererrat ultima,
Quodq̃, premens terras, præteruolat æthera, in arctum
Vocare carmen & referre sit nefas.

HVMANA DIVINITAS.

*Cur tanto genus humanum dignetur honore.
Dicere, non nisi qui perficere ipse potest.*



DEI PHILANTHROPIAE. S.



In testamentum Israëlís.

ODE TRICOLOS TETRASTROPHOS. IX.

VICINA letho prouida mens senis,
Et iussa patrum tendere ad inferas
Sedes piorum, quas serenat
Spes patriam recolens supernam.
Et iam secundo proxima lumini,
Soluenda pressi, & corporis artubus,
Celig^q promissis adherens,
Certa boni memor & futuri
Dilecta prolis pignora postera
Bis sena natos nomina conuocat,
Speraret unde & comparandam
Sideribus sobolis cateruam.
His tum vaganti, & hospitibus domo
Certi nec vsquam compotibus soli
Speranda venturos in annos
Fata canit, numeratq^q sortes:
Et regna, regum & munera, diuites
Promittit vrbes, & spolia, atque opes:
Gentes, & extinctos tyrannos,
Numinis auxilio potentis.
Mores nepotum, cunctaq^q ab ordine
Spectanda rerum sæcula diffcrit,
Seruanda præcepta & secundis
Temporibus dubiisq^q dictat.
Responsa magni mystica consili,
Plenumq^q priscis pollicitis opus,
Sermone quæ aternam latenti
Mentibus insinuant salutem.
Ille & sepulchri funera debita
Optabat, agris in Iebusum sibi,
Mansurus electos nepotes
Sede piis patribus notata.


FIDES MORTI INSUPERABILIS.

*Constituit rerum certos ex ordine fines,
Vatibus & tradit secula notanda Deus.*



DEO DOCTORI SAPIENTI S.

PH



In tabulam Mosis expositi.

ODE SAPPHICA. X.

NULLA vis terris, licet usque denso
Fulta conatu, valet imperantis
Numinis certam variare mentem,
Consiliūmue.

Nam simul iunctis opibus, manuq;
Stulta mens tentat, temerare sanctos
Nescit, ac celi tamen euehentos

Suscipit orsus,
Quiq; deduci monitis supernis
(Quæ iuuant puras recreantq; mentes)
Abnuat, sumptis, equus ut, capistris
Voluitur amens:

Ne queat sacros retinere cursus.
Impij quondam soboles Chameſi,
Nempe dilectam superis parabat
Perdere gentem.

Quodq; plantarat Deus ipse cultor
Germen augendæ pietatis, undis
Damnât, & monſtris fluuij Tyrannus
Destinat atrox.

Sed nefas horret subiſſe Nilus,
Audit ut flentis pueri querelam,
Quem dat arcana Deus adminiſtrum
Eſſe ſalutis.

Ipsæ & inſontis vigil amnis undas
Contrahit, parcens properare, & acres
Continent morſus liquido adnatantes
Flumine piſces.

Denique iniuſta populator aula
Qui ſit & vindex generi, nocentis
Regis ingrato gremio fouetur,
Creſcit & ignis.


TYRANNVS MISERICORDIÆ CONCED.

*Casibus in duris rerum, spes certa salutis
Expectare, bonus quid velit ipse Deus.*



PROVIDENTIAE VICTRICI. S.

PH



In tabulam Mosis, populi salutem meditantis.

ODE TRICOLOS TETRASTROPHOS XI.

OLIM expectata iam nimium diu
Moses & mente, & viribus integris
Non vana speranda salutis
Signa suo generi adferebat.
Pridem nutritus molliter aulico
Sumptu, qui posset delitiis frui
Et verba concepti fauoris
Vendere, compositumq; fumum.
Non quisquam claris doctior artibus
Illo, non belli consiliis prior,
Aequanda summis aucupari
Præmia principibus valeret.
At quantum posset viribus ingeni
Quantum præstanti robore corporis
Totum paterno dedicabat
Ille Deo & populo suorum.
Tum fratrum casus commiserans graueis,
Quorum pro rebus non timeat mori,
Proponit audax & doceri,
Et facere auxiliij periculum
Illius vires & studium efficax
Sensit (nam liber viderat) inuida
Qui Aegyptij vidit sepulchro
Membra, dari nimium superbi.
Sed prona fraudi mens hominum sua,
Et sæpe oblati inuida commodis,
Momenta monstrata salutis
Spernit & auxiliij ministrum.
Hunc iras regis cum generis dolis
Vitantem, grato pignore suscipit,
Seruatq; Midianes ad illa.
Tempora, quæ Deus annotarat.

OPTIO INCOMPARABILIS.

*Publica cura animos magnos, & pectora tent.
Certatq; discrimen corda subire graue.*



SAPIENTIAE ILLUMINATRICI S.

PH



In tabulam Mosis, rubi incendium mirati.

ODE TRICOLOS TETRASTROPHOS. XII.

FLAMMAS innocuas non solitum genus,
Incensisq; rubum frondibus integrum,
Audax noscere Pastor
Vel tentare (nefas) caue.

Quamuis tu Phariis cultior artibus,
Cælo dinumeres astra nitentia;
Et res noueris vnus,
Quas tellus fouet ac mare;
Humanam fugiunt hæc sapientiam,
Et nostro positos ingenio modos,
Queis attingere mundi
Vix conclusa licet polis.

Quod si tantus amor discere, quam nouam
Mirator speciem conspicias, infimas
Curas exue terræ,
Et fastus animi graues.

Fædis ne temeres, ah, loca sordibus,
Quæ cernis sacra sunt plenaq; numinis:
Hac mente, & pede puro,
Simplex discipulus petas.

Hic iam veridica voce docere,
Quàm magnis valeat viribus efficax
Ignis, vertere mundi
Formas, in speciem nouam.

Namque ille & tenebras, & chaos, & nihil
Quondam discutiens intulit optimi
Mundi consona membra,
Finesq;, & varium decus.

Idem gratus amor perpetuo bonus,
Flammæ quem specie non temere vides,
Vitam reddere & almam
Lucem terrigenis parat.



In tabulam exitus ex Ægypto.

ODE DICOLOS DISTROPHOS. XIII.

ISACI pueri integri

*Maturi inualidis cum senibus viri,
Mixa matribus ac nurus,
Et quantum populi est ordine ab infimo;
Maturate laboribus*

*Exire, atque humili seruitij domo:
Aurum, & gemmea pocula,
Argenti & solidi vasa nitentia,
Texta & vellera purpura,
Et quicquid spolijs possideat ferox
Viri progenies Chami,
Denictis penitus diripite hostibus.*

Nec clementia parcere

*Cuiquam, nec statuatur pignoribus modum:
Vestrum nam, panidi mora,*

*Discessum rediment munere quolibet.
Suetos pondus iniquis*

*Compulsis humeris tollere sarcinas
Iam nunc non pigeat graueis;*

Et vires cumulent diuitiæ nouas.

Summi hinc dextera numinis,

*Hinc addant animos gaudia publica,
Sancti hinc auspicium ducis,*

*Qui vos è tenebris carceris horridi,
Duri & seruitio iugi,*

Ereptos retulit luminis in diem:

Arcanis meritam diem

*Dignam & perpetuis carminibus colli
Vitæ munia libera*

*Quæ seruis renouat, quæ populi decus.
Summi consilium Dei,*

*Vos iam magnificis tollite laudibus:
Faustas spes hilares capite*

Et sentite, fluant ut leuius dies.

EVANGELII EXEMPLVM.

*Nil non posse datum iis quorum pietasq. fidesq.
Prompta sequi cedit, qua vocat vsq. Deus.*



VERBO EFFICACI SAC.

P H



In tabulam maris rubri.

HYMNVS HEXAMETER XIII.

QVA maris undisoni longo sinuata recessu
Littora, diductas propulsant margine rubro,
Illic Aethiopum terras, Niliq³ vagantis
Irriguos campos; Arabum spirantia thure
Arua bono, & gemmis illinc palmisq³ decora,
Diuini praefixa olim monumenta triumpho,
Perpetuo stabilita manent, semperq³ manebunt;
Dum lux, dum caelo consistant radiantia puro
Sidera; & assiduo spirantes agmine venti
Aërios repetent tractus, pelagoq³ tument
Constabunt liquidas non irrita iura per undas.
His etenim populos quondam seuumq³ tyrannum,
(Sacrilegam sobolem Chami, Phariosq³ colonos)
Militibus Deus euertit, furibundaq³ fudit
Consilia, atque ipsos immensa strage, nec ullo
Seruatos numero, iussit descendere in atras
Pallentis lethiq³ domos, Erebiq³ tenebras,
Contento studio summis & viribus ausos
Iudicium temerare Patris, cui maxima mundi
Corpora concordi parent variantia lege.
Quiq³ suum populum promissa ad regna vocatum
Iusserat iniustumq³ iugum, seuasq³ catenas
(Excelsa quae cuncta manu confregerat ipse)
Excutere, & monstrata sequi fatiq³ viaq³
Signa, reuertentes gratè memoranda per annos.
Ergo lecta manus, discissas ducta per undas,
Vitalem mirata diem procul aspicit omni
Littore proiectos hosteis, numeroq³ carentem
Exanimum turbam in pelago, partemq³ profundo
Coniicit immersam caeno, sabuloq³ sepultam,
Liberatq³ exultat plebes laudatq³ potentis
ACTA DEI, ARCANÆQVE CANIT MONVMENTA SALVTIS.

ARCANÆ SALVTIS ARGVM.

*Queis voluit prodesse Deus, Natura benigna est
Omnis, at vlticem fert inimica cohors.*



DZO VICTORI VINDICI. SAC.



In tabulam acceptæ Legis apud Sina Montem.

ODE TRICOLOS TETRASTROPHOS XV.

QVOD prima nusquam secula viderant,
Vidère cani cum pueris senes,
Vxorq³, nubilisq³ virgo,
Turba pauens populusq³ cunctus,
Mortalium vti colloquius Deum,
Et voce sancti numinis indice,
Præsentis electaq³ gentis
Fœdera participem subire:
Cum liberatam seruitio graui
Plebem sacratis montium in abditis
Doctorg³, dictatorg³ coram
Alloquitur, recitatq³ leges.
Cui signa præfert sollicitus timor,
Qui corda miro concutit impetu,
Clamore perrumpens tubaq³
Saxa sono, tremulosq³ monteis.
Hinc ignis alto deuolat æthere,
Summiq³ tractus montis & aëra
Collustrat, vrentisq³ flammæ
Congeminat, penetratq³ cautes.
Tunc explicatis vocibus, optima
Præcepta plebes, iuraq³ suscipit,
Aequumq³, prælucensq³ verum,
Fasq³ pium, officiiq³ normam:
Legesque certum quæ doceant decus;
Sed mole monteis concutiant graui,
Morboq³ languenteis auito,
Imperio exagitent tremendo:
Donec potentis numine, cordium
Illapsus vrat spiritus intima,
Præstare & expertes pauoris
Sponte animos meliora donet.

tem.
y.

HUMANÆ INFIRMITVDINIS EXAM.

*Lux terris veneranda micat, mortalia sed quæ
Lumina præstringens turbet & vsq; premat.*



DEO PVRO SANCTO TERRIS. S.



PH

In tabulam collectionis mannæ.

ODE TRICOLOS TETRASTROPHOS XVI.

PENV benigni ex ætheris editam
Intaminato & munere simplicem
Miratur annonam legendo
Plebs alacris, cumulumq; magnum.
Desideratus quas tulerat dapés,
Festina, sacrum dum sequitur ducem,
Verbisq; concedens supernis,
Tæsqua petit sterilesq; tractus.
Tunc providentis consilio Dei
Educta turmæ pennigeræ cohors,
De rore confectas sereno
Ambrosiamq;, epulasq; promit.
Nullis parata hæc dona laboribus,
Lentis vel anni cursibus, aut graui
Quæsita curarum tumultu
Lucifer exoriens ferebat.
Sic dormienti, cui superi fauent,
Adaucta rerum commoda cernimus,
Aedeisq; crescentemq; longo
Tempore progeniem parari:
Dum certus ille, & pollicitis pius
Credens benignis, non timet ardua
Ferre, atque quâ ducit vocantis
Mens, sequitur, peragratq; certus.
Hæc esca plenam, numinis & manum
Atque efficacem pascere comprobat,
Natura seu iussas ministrat,
Sine neget prosperata partem.
Maiora nostris fercula seculis
Delata pari culminibus poli
Ponuntur, aternæq; vitæ
Pignora terrigenis petenda.

FIDES NVSQVAM EGENS.

*Esse homini in terris poterit quæ grata voluptas,
Cui diuina semel contigit Ambrosia?*



PROVIDENTIAE LOCUPLET. S.

PH

In tabulam Israëliitarum Iordanem transeuntium.

ODE SAPPHICA. XVII.

NON pauens vanis metus, & viarum
Qui negat duros tolerare casus,
Longa vel deses memorat remoti
Tædia finis;
Sed fides constans animiq; magni,
Quæ semel certo radiata verbo,
Tramitem ostensum subit, atque cæli
Prospicit alti
Templa, lux vnde & fauor, ac potentis
Vis tenax verbi, penetrare præsens
Turbidi fluctus maris, ac secundo
Gratia ductu;
Illa mirandos superans labores,
Quos iuuat quondam meminisse, pulchrum
Præmium summo positum reportat
Culmine victrix.
Tunc probat sortis memor & prioris,
Digna quàm multis fuerint periclis,
Quamquæ contento repetenda cursu
Munera dia.
Sic & Aegypti miseris redempta
Vinculis felix manus, aduocanti &
Obsequens verbo, tenuit quietis
Regna beata.
Hinc inaccessos trepidare montes,
Hinc opes visa est solito priores,
Largius turba venienti in usum
Fundere tellus.
Primus & custos regionis, altum
Sensit ut numen, renuens morari,
Fluminis portam vitream tumentis
Pandit Iarden.

CONSTANTIAE FRUCTVS.

*Felix qui monitisq, Dei verbisq, benigni
Audiit, ille sacra compos erit patria.*



FIDELI DIO S.

PH

In tabulam expugnatarum gentium.

ODE TRICOLOS TETRASTROPHOS. XVIII.

AVDITA quantum vox valeat Dei
Conuersis rerum cursibus edere,
Vidère, qui dicto audientes,
Castra loci tetigere odori.
Insueta terris turma recentibus,
Vastis neque ampli corporis artubus
Aequanda cum vulgo tumentum,
Quos regio tulerat, gigantum.
Densis sed una cum populis tamen
Exercitati robore prælii,
Non parua molitos tyrannos
Consilia exuperavit hospes.
Antiqua namque hos crimina, cum suis
Damnata prorsus gentibus, ultimas
Perferre pœnas, atque auitis
Tradiderant spoliare fundis.
Quos non labore, at numine vindice
Dux sternit instans. Adsumus, adsumus
Vltoris æterni ministri,
Atque suos peragentis orsus.
Vexata tellus fraudibus impiis,
Prolem nefandi conuomuit Chami,
Natosq; suscepit fidelis
Hospitis, & memor & beata.
Arcana quo iam nomina maximi
Doctore primum numinis audit:
Qui secla, caelestesq; turmas
Vnus agit moderator æquus.
Turrita iusto mœnia iudici
Firmata vastis vectibus, & trabes
Cessere, & ingenti ruina
Sponte sua, patuere muri.

ANIMADVERSIO MATVRESCENS.

*Non gladio aut numero, non vi, sed numinis alti
Consiliis certis vincere magna datur.*



DRO VLTORI IVSTO. S.

PH



In tabulam terræ distributæ.

ODE TRICOLOS TETRASTROPHOS. XIX.

DIFFERTA rerum diuite copia
Munita densis gentibus, arduo &
Vallata murorum reductu,
Regna cadunt pereuntq; iniqua.
Collata quamuis consilia, & manus,
Et conuocatis fœdera regibus,
Armisq; fulgentes iniquas
Munierint populi rapinas.
Solum potentis consilium Dei
Exors refringi, permanet & quibus
Audita præmonstrant vocantis
Dicta viam intrepidè obsecutis.
Exstructa multis oppida sumptibus,
Implerat auro posteritas Chami,
Et gemma & ostrî prænitentis
Velleribusq; opibusq; magnis:
Sed execrandis fraudibus ac dolis
Quæsitæ, fœdisq; vsibus addita,
Proscripsit integri potestas
Iudicij dominosq; pressit.
Hæc ipse nullis indigus arbiter
Nouo colono diuidit, & bonos
Commendat exercere in vsus,
Non propriæ referenda laudi.
Valde stupenti tam citò plurimum
Cessisse regnorum imperium sibi:
Et ante quàm possent obiri
Cuncta oculis, potuisse vinci.

PERSEVERANTIÆ EXITVS.

*Quis tam multa breui dicat potuisse domari
Tempore, nisi qui credidit & studuit?*



DEO VERACI POTENTI, S,

PH



In tabulam cultus antiqui.

ODE SAPPHICA. XX.

CONSITIS læto studioſe in agro
Vitibus, magnam poſuiſſe curam
Principem cæli, referenda ad uſque

Tempora fructus
Scimus, ac doctos variis miniſtros
Artibus, certas operas colendo
Commodè addiſtos adiiſſe, multo

Non ſine ſumptu.

Hic apros arcet, genus & noſcentum
Vocibus ferroq; abigit ferarum:

Hic fodit; ramos vitio fluentes

Præſecat alter.

Sarcit & ſepes alius reuulſas,
Nec tamen nulla ſubeunt pericla, at
Saucius duro cadit in labore

Sæpe colonus.

Cura ſed maior fuit expiandi:

Nam ſacerdotes variante ſæpe
Diſtinent cultu repetenda cunctis

Sacra diebus.

Horridi ne quid vitij precatos
Occupet, natum aut penitus medullas
Palmitum carpat, vitiætue peſtis

Extera vitem.

Cura quæ humanos renouata morbos
Arguens, ipſum vocat auferendæ
Compotem labis, dominum & ſalutis

Artificemq;.

Ergo vos noſtro generi fauete, &
Aurea o cæli properate ſecla,
Victimis cunctis poſitura finem,


Seruitiisq;.

EXPECTATÆ EXPIATIONIS VMBRA.

*Pontificem, quem priꝛca olim petiere supernum
Secula, nostra tenent, qui litet & placeat.*



DEO CLEMENTI PLACABILI. S.



PH

In tabulam Dauidis ad poenitentiam reuocati.

ODE DICOLOS DISTROPHOS. XXI.

HUMANI ingenij licet
Soters vafricies, callidus ac dolus,
Celet compositum nefas,
Aut blandè impositis nominibus leuet,
Indulgens sceleri suo
Asperfo nitidis mille coloribus;
At quæ cor hominum tamen,
Et renes penetrat, cunctaq; providens
Pertingit sapientia,
Et sermo ignifero fulmine acutior,
Fallax terrigenas genus
Arctis compedibus praligat, ut neque
Elabi valeat prius,
Nec celare notam, nec fugere improbi.
Nam dum mens nimium sibi
Ignoscit, vitiumq; alterius leue
Intentis oculis videt,
Exemplo similis iudicij, malis
Succumbens propriis cadit.

Felix qui metuit vigil,
Iras ne horribiles Numinis excitet;
Et vitam peragit piis
Intentam studius, & fidei & preci;
Certo proximus huic gradu,
Qui contracta mali criminis expiat
Probra, & qui monitus bonis
Vatum consiliis, cedere mollior,
Mentemq; & studium mali
Permutans, facilem sollicitat Deum,
Offensamq; gemens grauem,
Exclusus, patria suscipitur domo.



POENITENTIAE UTILITAS.

*Iure perit, qui cunctatur damnare priora
Crimina, & ad veniam sollicitare Deum.*



DEO MISERICORDIAE.

PH




RECTVM & merentem plurima nouimus
 Laudis probatæ præmia iudicem,
 Deuota quem produxit Anna
 Et sterili recreauit aluo.
 Illum exigentem iam spatia vltima,
 Summi & solutum munere consulis,
 Excelsa contentum paterno
 Rama lare & tenuem recepit.
 Pleno laboris perpetui seni,
 Atque inquietos assiduo dies
 Nil tædiosi turba vulgi
 Excipit, arbitrioue fingit.
 Non deferendæ (si saperet magis)
 Sortis prioris, res populi hunc bonum
 Postrema dimisit ministrum,
 Et meminit, genuitq; semper.
 Cuius sacratæ quid valeant preces,
 Sensit, marinis cum populis Dagon,
 Quos terror æthra fulminantis
 Dissoluit, domitosq; fregit.
 Responso quondam hic à puero bonus
 Firmare certo numinis indice,
 Exempla duratura, veris
 Historiæ posuit libellis.

SIMPLICITAS MVNDO FASTIDITA.

*Nil conscire sibi nudo, summisq; peractis
Muneribus, magna hec premia, magnus honor.*



REIPVB. MINISTRO INTEGERR. POT.



In tabulam Nathan Prophetæ.

ODE DICOLOS TETRASTROPHOS XXII.

ÆTAS beato tempore ducitur,
Lætosq; firmat candida pax dies:
Cum ducit, attentusq; clauum
Versat amans Moderator equi.
Humana raro nequities tamen
(Cum pressit altæ frena potentia)
Ne temnat, excedatq; metam
Propositam, sibi temperauit.
Miranda iusto munere regibus
Exempla pastor fecerat inclytus;
Ni laudis immensa nitorem
Pestifera inficeret cupido.
Suscepta sædi pondera criminis,
Insicta cæco & pectore vulnera
Obliuiosus, nec dolere
Præbet Amor, neque cogitare:
Donec veternum pectore ab intimo
Altum sopito excussit amabili
Sermone Nathan, cui videre
Facta Deus dabat & futura.
Quis nunc decori consilij potens?
Hunc cæcat amens gratia principem,
Illum sed imprudente dicto
Asperitatis alienat audax.
Felix, carentem stultitia mala,
Rex, cui ministrum contigit assequi,
Et fraude semotum dolosa,
Numinis & studio calentem.
Nathan suorum sæcula temporum
Scripsit fideli certa volumine,
Quæcunque vel gessere reges,
Vel populi subiere ducti.

CONSILIOR. INTEGRITAS.

*Simplicitas, veri studium, obsequiumq. fidesq.
Grata Deo, & cunctis commoda temporibus.*



HONESTI DOCTORI GRAVISS. P.

PH



In Dauidis effigiem.

CARMEN TRICOLON TETRASTROPHON. XXIII.

DOCTVM *innocenti pectore perpeti*
Casus, labores, exilium, minas,
Iras, furores ac superba
Monstra, virum canimus domantem.
Decepta cui non fœdera centies
Regis, minacis & nimium feri,
Ostensa nec vulgi repulsa
Spemq;, animiq; fidem remutant.
Responsa magni & consilium Patris
Dum mente certus concipit integra,
Audax vel obiectos per ignes
Ire valet, superatq; victor.
Calo minantis, gentibus & feri,
Horrenda vasti tempora Golia,
Affertor atque ultor suorum,
Stravit humi caput & recidit.
Vincenda semper prœlia, & hostibus
Antè inquietis impositum iugum,
Sperare iam primis in annis
Vrsa cadens dabat & leena.
Incisa quondam marmore duplici
Præcepta verbis ac digitis Dei
Curavit, & morem sacrorum
Constituit, celebresq; ritus.
Idem efficacis munere barbyti
Victura dixit carmina, quæ Draco
Antiquus audire obstupe scat,
Quæq; probet Deus & secundet.

DIVINÆ VERITATIS ARGVMENTVM.

*Otia honesta Deo, cuncta atq; negotia summo
Quæ dicat, hæc multis vita beata modis.*



REGI FORTISS. INTEGERR. PIENTISS. VATI DVLCISS. POS.

PH



In tabulam Salomonis.

ODE DICOLOS DISTROPHOS. XXV.

QVOT QVOT prisca tulit, quotquot sperare futura
Rectores concesserit etas,
Diuitiisq, opibusq, animi, sensuq, profundo,
Tu Salomon precesseris unus.
Seu populis dare iura iuuat, seu ponere docta
Virtutis precepta petenda;
Seu cupias anima immensum penetrare per orbem,
Ingenio & numerare deserto
Naturæ variata modis spectacula miris,
Quæcumque aut radiantia cælum
Astra mouet, vel quæ duplici spatiantur in unda
Plurima monstra, vel omniparens quæ
Multiplici profert utero, atque alit ubere Tellus,
Cuncta tibi cessere petenti.
Obstupuit, peregrina tuas conspexit ut artes
Gens acris non indiga sensus.
Victa tuis siluere etiam miracula templis
Quæ quendam celebrata sonabant.
Quâ patet oceanus, gentes tua carmina discunt,
Et recinunt iuuenesq, senesq,
Aeterniq, Dei nomen laudesq, perennes,
Sperande & monumenta salutis,
Cetera & arcanis quæ te meditante figuris
Excelsa Sion audiit arce.
O Rex, ô felix, nullumq, habitare priorem,
Vna tibi & proba si foret uxor.
Vltima nempe fuit vox te dignissima, vanum
Esse, Dei timor unde recessit.

HYMANÆ SORTIS MENSURA GEMINA.

*Mortales homines & re & sermone iuuare,
Perpetuum magni est principis officium.*



PRINCIPI SAPIENTISS. PACE REIP. CONSTITVTA. POS.

P H

In tabulam Isaiaæ Prophetæ.

ODE TRICOLOS TETRASTROPHOS. XXVI.

REGVM progenies Isacidum, breui
Te magnum experiar dicere carmine.
An laudes tacitus dissimulet pudor
Tantis pro meritis leues?

Quem iam præmonitum grandia dicere
Purgauit rutilis spiritus ignibus,
Laturum populo & principibus Dei
Dicta, & terribiles minas.

Prudens præteriti temporis, ac tui
Venturique modos, & seriem canis,
Spectator veluti videris omnia
Depicta in superum domo.

Quis vatum propior cernere ab ultima,
Quicquid magnus habet mundus, origine,
Mores, historias, imperia urbium,
Cuncta & secula gentium?

Humano generi munera calitus
Demittenda animis, tu bene nuntias:
Et mæstis releuas corda laboribus,
Et mentes recreas graueis.

Quæ vis eloquij, quæ ingenij queat
Exequare modos, & decus ac tui
Dicendo rapidum fluminis impetum,
Sensu & multiplices notas?

Vitæ certa tuo tempora nuntio
Rex prolata videt, ductaque longius,
Cum Sol pollicitis additur arbiter
Decursum relegens diem.

Defuncti celebri muneris exitu,
Contemptorq; trucis supplicij innocens,
Palmam promeritus iudicio Dei,
Magnus diceris ac bonus.

PIETATIS INDEFESSVM STVDIVM.

*Qui Christum non odit, amet responsa legatq.
Amosida: is fiet nam pius & sapiens.*



DIVINAR. RER. INDICI ADMIRABILI. P.



P H

In tabulam Ieremiæ Scriptoris.

ODE SAPPHICA. XXVII.

SPIRITV feruens iuuenis, potensq;
Robore immotæ superare mentis
Fortium, priscis memorata ab annis,
Corda virorum.

Cui nec ignauæ puero iuuentæ,
Nec sibi tantum decus arroganti,
Creditur munus prius adparatum
Matris ab aluo.

Tu doces quantum valeat superni
Efficax verbum imperij, fideles
Cum subit mentes, penetratq; in altam
Pectoris arcem.

Nam nec immites odius tyranni,
Nec furor vulgi miscris iniqui,
Nec tibi ignotæ expedienda gentes
Acta retardant,

Quin per insanos hominum nocentum
Impetus, victor, penitusq; compos
Destruas, vellas, moueas, reponas,
Aedificesq;.

Crescit in duro tibi vis labore,
Carceris diri tenebras lacusq;
Et famem fortis superas, minasq;
Mortis amare.

Sic & obiectos penetrare monteis
Nouit, ac rupes, & adacta in altum
Turrium accensus monumenta, clari
Fulminis ardor.

Integrum ac fortem celebremq; dictis,
Quem sua inuisum malè presserat gens
Seruat, & cultu mcliore Princeps
Suscipit hostis.

HONESTÆ INDOLIS DECVRSVS INTEGERR.

*Quid non ferre potest, quid non superare, supernis
Qui se permisit nutibus ac monitis?*



LEGATO STRENO FORTI. POS.



In tabulam Danielis Prophetæ & historici.

ODE TRICOLOS TETRASTROPHOS. XXVIII.

EXTREMA prisci sæcula temporis
Videre vatem regibus omnium
Narrare præscriptam dierum
Historiam, serièmq; longam:
Quas nec vagorum conscia siderum
Chaldea, iactans dicere gentibus
Voluenda venturos per annos,
Explicuit, tetigitue prudens.
Huic providentis consilij Pater
Donavit orbis ponere mobilis
Decreta, mortalesq; rerum
Atque hominum imperiūq; metas.
Non ille, quamvis inferior modis,
Et prisciūq; Vatum luminis visibus,
Rerum vel impar mole scriptor,
Vel minor eloquio fideq;
Seu iussa vates somnia detegat,
Seu visa rerum signaq; præcinat,
Abstrusa seu doctor notarum
Perlegat evolvatq; sensa.
Hunc flamma, cautes aptior urere,
Sæva & Leonum pertimuit fames:
Concessit huic peior nocendo
Invidia imperiumq; præceps.
Miranda sacro scripta volumine
Auctor relinquit, postera quæ legat
Ætas & attendens labore,
Ac memori probet ore Christus.

IN TEMPESTATE SVBSIDIVM.

*Qui nouit metuitq; Deum, discrimina nulla
Ille timet, nil non scitq; probatq; boni.*



VATI FORTISS. TEMPERANTISS. POS.

P H



In tabulam Esdræ scribæ.

ODE DICOLOS TETRASTROPHOS. XXIX.

PERSARVM populo & regibus inclytis
Dilectum Arsacides ingenium, tuoque
Optatum generi lumen, amabile
Cælog & superis caput :
Esdra o progenies pontificum sacra,
Expectatum auidè qui Phineæ vctus
Exemplum renocas, moribus integris
Præstas & sapientia.
Redduntur Solymis te duce principes,
Longo quos Babylon carcere presserat :
Vasa & sacrilegum quæ rapuit manus,
In sanctam referunt domum.
Quamvis difficilis non solitos via,
Ignavosq; metu, atque hostibus improbis
Inuisos memori consilio viros
Ac dictis reficis bonis.
Dum deuota Deo te duce mœnia
Sionis subeunt, quâ populus frequens
Festiuo sociat plurima carmine
Templis dona recentibus :
Illic & vituli sanguine feruidi
Aras & Libani tingis odoribus :
Et vota incolumis persolvens tuæ
Genti concilias Deum.
Infamata malis secula nuptiis,
Admissumq; nefas moribus expias,
Antiquasq; iubes discere, & asseris
Leges, & patrium decus.

PROVIDENTIA INSTAVRATR.

*Esdra sancte via doctor, populiq; magister,
Tu monstras rectum quid valet officium.*



SCRIBAE SAPIENTIS. PAT. PATRIAE.

PH

In effigiem D. Matthæi.

ODE DICOLOS DISTROPHOS. XXX.

QVI modò inexpletos loculos, fiscumque capacem
Assiduusq; tenaxq; premebat;
Quiq; abaco intentus, tabulisq; vacabat auaris
Nummorum captator anhelus:
Quem cupidum variis aliena pecunia curis,
Insidiatoremq; timebat,
Quem tenuere viæ, mercatus, flumina, portus,
Multiplicis quoque fœnoris ardor:
Hic subito magni mutatus voce magistri,
Discipulum comitemq; vocantis,
Diuitiarum & compositi neglector acerui,
Iam libros forulosq; relinquit.
Gaudet sorte noua Leui, nuperq; perosam
Pauperiem præfertq;, colitq;.
Nec socios, famulos, infestaq; vincla propinquos,
Rumores vulgæ loquacis;
Nec quæcunque bonis obstant contraria votis,
Cogitat incipiensq; volutat.
Nudus, inops, meliora petit compendia rerum,
Diuitias meditans potiores:
Quas nec tempus edax, nec fraus, nec perdere possint
Inuidiæ commenta malignæ.
Edoctusq; nouas rationum scribere formas,
Duratura volumina complet:
Atque notas, numeros, damnosaq; nomina delens,
Gesta Dei patresq; reponit:
Exemplo scriptisq; probans quàm splendida Iesu
Gratia sit virtusq; decentis.

DIVINA VOCATIO.

Noctes atq; dies dictata legenda, nec ullo
Tempore non nobis commoda scripta vides.



EVANGELII TESTI FIDELI. P.

PH

In effigiem Marci Evangelistæ.

ODE DICOLOS TETRASTROPHOS XXXI.

ET TE, Marce pater, carminis ac lyra
 Laudes perpetuis temporibus decent,
 Quas Nilò resonent mœnia proxima,
 Illustris Macedùm labor.
 Et quas multinagis littoribus mare
 Exultans referat, qua lauat, aut secat
 Quicquid tergemini Lamecides soli
 Natis disposuit pater.
 Nam nec te assiduus culta laboribus
 Terret discipulum religio recens,
 Nec lassat comitem casibus aut viæ,
 Aut ponti senior Cephas.
 Tu Christi gregibus credita munia
 Pascendis, studio perficis arduo:
 Aegyptumq; colis, iactaq; semina,
 Quæ seuit Petrus, irrigas.
 Quin & tu exiguo magna volumine
 Arcani reſeras munera nuntij,
 Atque vnus propriis temporibus breuem
 Aptas principio notam.

SAPIENTIÆ COMPENDIVM.

*Parue liber, quid tu doceas, non percipit omnis
Mundus: at id mites percipiunt animi.*



PB JH.W.

PH

CHRISTIANÆ VIRTUTIS OBSERVATORI. P.



In effigiem D. Lucæ.

ODE SAPPHICA. XXXII.

QVI salutari recreabat arte
Membra languenti vitiata morbo,
Nunc recuranda meliora menti
Munia tractat.
Namque ubi magni monitis magistri
Doctus, humane didicit ruina
Tempora, & causam, & reparantis auum
Vimq; modosq;
Novit & certo propius periclo
Quid mali Christus releuare morbi
Posset: exultans animum supernas
Vertit ad artes.
Ille inaccessso repetens ab ortu
Gesta mirandi genus atque Christi
Scribit, & quantum renouarit almus
Spiritus orbem.
Additus Paulo socius ministro,
Et comes fidus pelagi ac viarum
Subleuat grato officio labores,
Testis & index.


LVX EXPEDITA.

*Vsus erit magna mentis linguaq. diserta
Optimus, in sacros incubuisse libros.*



VERITATIS EXPOSITORI DISERTO. P.

PH



In effigiem D. Iohannis Euangelistæ.

ODE DICOLOS DISTROPHOS. XXXIII.

QVIS te mente noua potens
In calum inuenem spiritus arripit,
Plenum numine uiuido?
Ut mundo referas progeniem Dei,
Celatam patribus prius,
Obscuræve adeo nomine cognitam.
Namq; & te puerum nouis
Annis ingenio nouimus haud propè
Tantis muneribus parem.
Non humana tibi discipulo dedit
Ars vel scire, vel eloqui,
Quæ nullis emere aut diuitiis queas,
Aut longo studio sequi:
Quamquam Socraticos admoueas libros,
Et quæ porticus inclyta
Arguto repetit dicta volumine.
At te non hominum reor,
Sed magni monitum consiliis patris,
Percurrisse poli vias,
Arcana & docili credita pectore,
Quæque orbis stupeat pauens,
Excepisse nouis dicere vocibus:
Dum te testibus è tribus
Dilectum peritus præcipuum parat.
Qui ventis tumido & mari
Vina voce potens imperat, efficax
Morbo pellere, & inferis
Excepisse hominum de tenebris genus.
Ille & te sibi conscium
Quàm magna efficere, & quæ valeat pati,
Iunctum sanguine deligit.
Te matri moriens substituit sua,
Charo ut nomine particeps,
Commisisti foreas officij vicem.



ABSTRUSA SAPIENTIA.

*Quod legis, haud parvū est, superat terrāq; polūq;
Si petis hoc, dabitur nosse, sed exue te.*



ARCANOR. INDICI PENITISS. P.

PH



In tabulam nuntiationis Zachariæ factæ.

ODE TRICOLOS TETRASTROPHOS. XXXIIII.

DI CTVM ex secundis alloquiis Dei
Tempus nouandi fœderis adfore,
Anni recurrentes tulerunt
Secla viris adamata iustis.
Aetatis almae principium bonum
Legatus alto detulit aethere
Demissus, assuescensq; terris
Sese hominum facilemq; præbens.
Aris sacerdos thura calentibus
De more pura dum prece consecrat,
Mortale nil præ se ferentem
Vultu habituq; virum tuetur.
Hic abnuenti credere iam seni
Prolem paratam nuntiat, & nouum
Vxoris annosæ tumorem,
Quem populi videant stupentes.
Ignara luxus, criminis & mali,
Infantis aluum pectora crescere
Prædicat, & primis ab annis
Mentis opus meditata magnum.
Præsentis amplo munere spiritus
Hic septa certæ sollicitus via,
Turbata curator probandis
Partibus & studiis reponet.
Qua vita possit, quaq; peti salus,
Admissus ultro qua veniat Deus:
Nec spernet hic vates cœclorum,
Nec metuet fera sceptrâ regum.
Hec in reductis quæ videt abditis
Ilumen, moratus plus solito, nequit
Cum prodit, admirante turba,
Prodere, nec potis est negare.

XXVIII.

FELICIS SECVLI INITIA.

*Quid deccat, quantũ expediat, quo tẽpore nunquã
Delige: permittas vt probet ipse Deus.*



DEO CONSVL I PERP. SAPIENTISS. S.



P H

In tabulam annuntiationis.

ODE SAPPHICA. XXXV.

*VIRGO, quam magni moderator orbis
Excipit charam, penitusq; raris
Instruit donis, propriam sibiq;
Deligit almus.*

*Omnibus, salve, numeris beata,
Nam tui proles uteri supernis
Viribus præstans misero salutem
Proferet orbi.*

*Vnus ex certis superum ministris,
Hæc Galilææ retulit puellæ,
Cui parem nullis habuere mundi
Tempora seclis.*

*Illæ se tantis referens minorem
Laudibus, causam stupet, atque supp lex
Postulat magni veneranda verbi ar-
cana doceri.*

*Atque ubi summi didicit parentis
Mentem, & occultas operantis almi
Spiritus vires, seriem, modosq;
Audiit ardens;*

*Nil moror, dixit, Domine ô colendum
Gentibus nomen, tibi me tuisq;
Protinus certam tenuisse dictis
Annue felix.*

RER. NOVANDAR. EXEMP.

*Quis sic Virgo Deum propriū tibi, sicq̃ benignum
Præstitit? eximia in simplicitate fides.*



DEO ELECTORI SACR.

PH

In tabulam visitationis Elisabeth.

ODE TRICOLOS TETRASTROPHOS. XXXVI.

VT vultus roseæ virginis aureos
Vxor Leuitici Pontificis videt,
Segni cuius in alio
Vatum flos latet abditus:
Vires atheri pectore flaminis,
Persentit placidis vocibus excita,
Pacemq; hospitii alma
Gratis laudibus excipit.
Qua tam fausta mihi munera numinis
Vltro, non meritis hospitii Dei
Adduxere parentem,
Dignam calicolum domo?
Ergo sacra tuam diua modestiam
Augēt tanta etiam gloria? cui scio
Nullam in matribus esse,
Nullam in virginibus parem.
Nempe immensa Dei pignora talibus
Consistunt potius sedibus, inuidas
Aversata potentiam,
Magnatumq; superbias.
Nam quod tu facili pondere perferas,
Quem nec sustineant sidera, nec queant
Percepisse parenti
Mundi mœnia cardine;
Effecit vacuum fastibus & dolo,
Contemnensque sui pectus, & ignea
Semper docta, superno
Consentire fides Patri.
Agnoscunt vtero quem foueas tuo,
Testanturq; nouis vocibus omnia,
Valles, flumina, sylue
Quocumque extuleris pedem.
Quin ipse officij muneribus tui
Gratus letitiam personuit piam
Aluo que n gero fœtus,
Et mentem cumulat mihi.

PIETATIS CONCORDIA.

*Gaudia, divitiasq. Dei communia multis
Esse cupit, quisquis numinis instar habet.*



JOEMINAR. SANCTISSIMAE. P.

PH

In tabulam Iohannis Baptistæ.

CARMEN DICOLON TETRASTROPHON. XXXVII.

ASTRUM nascitur insito
Fulgens lumine, quem Deus
Solis paciferi indicem
Terris præstitit almus.
Hunc in montibus arduis
Exangui in senio parens,
Mirandis puerum & modis,
Mirando edidit ortu.
Salutis ferat ut nouæ
Læto tempore nuntium,
Et testis bona gratiæ
Magnæ sæcula monstrat.
Vos quæ diligitis Deum
Matres, vos quoque virgines,
Infanti properè nouo
Laudum nectite ferta.
Nec componite mollius,
Quamuis membra tenerima,
Assuescat, finite, aspero
Iam nunc vita labori.

AVRORA DIEI NVNTIA.

*Dona Deus, quanto soleat splendore parare,
Si quisquā obſervet tempora, teſtis erit.*



DEO PROPECTORI SAG.



In tabellam natalis Iesu.

NATVRÆ HVMANÆ NÆNIA. XXXVIII.

VIRGINEO splendens infans ut prodiit aluo,
Atque illæsa dedit templa pudicitia:
Quæ iam uteri intacti stupuit NATVRA tumorem,
Nunc paucet insolitum lata puerperium.
Atque nouum mirata genus, variis quoque gaudens,
Blandidulos fertur concinuisse modos.
Nulla mihi in te iura puer, quod gigneris, aut quod
Nasceris, at meus es quod puer & tener es.
Ergo me superas, sine me qui nasceris infans.
Quod si me superas, es puer ergo Deus.
O puer & certè Deus, ô mihi iungeris, ut te
Partibus excipiam, muneribusq; meis.
O Deus, & verè puer, ô tibi iungor, ut aucta
Amplius ipsa tuo numine perficiar.
Accipies ex me curam puer; atque labores,
Mortis onus (tibi sic quod placet) accipies.
A te ego, sed pacem Deus, accipiamq; salutem,
Et posse æternæ rumpere vincla necis.


SOL IVSTITIÆ EXORIENS.

*In tenebris fulgens lumen diuinag, dona
Simplicitas cernit: non videt ambitio.*



HYMANAE SORTIS SVSCEPTORI DEO HOMINI. 2.

PH



In tabulam circuncisi Iesu.

ODE TRICOLOS TETRASTROPHOS XXXIX.

QVISTE, sancte puer, flere doloribus
Maturis docuit? scilicet aethere
Descendisse iuuabat,
Vt discas gemitus novos?

Sed tu de patriis sedibus omnium
Spectator fueras, quos patitur genus
Nostrum sidera subter
Merumne miseres modos.

Ergo sponte venis conscius, & cupis
Rivos purpurei fundere sanguinis,
Non ut ciuibus aethra
Nomen connumereres tuum.

(Nam tu perpetui regna tenes Dei:)
As? ut propositis legibus audiens,
Serui munere functus
Adscribas homines polo.

Fies perpetuis ex humili loco
(Quem tu sponte subis) laudibus alior
Caelo, terraq; nomen
Infermusq; tremet tuum.


CHARITAS NIHIL RECUSANS.

*Qua tu hominum puro sancturus fœdera cordi es,
Hec in carne tua commemoranda subis.*



PRINCIPI SYMM. PRO REIP. LIBERTATE SERVIENTI. S.

PH



In tabulam adorationis Magorum.

ODE TRICOLOS TETRASTROPHOS. XL.

V T *Pisghæ in altis ætherei iugis,
Candentis aut de culmine Libani
Surgentis aurora salubris
Conspicitur prior usque fulgor;
At quisquis errat vallibus infimis,
Caliginosis nubibus obsitus;
Hic nocte in atra nescit amens
Purpurei radios diei:
Sic dum Tyrannum cum populo leui
Exercet amentem ambitio impia,
Præsentis aduentum salutis
Non Solyma male cæca sentit.
Sed qui remotos Persidos incolit
Parthosq; tractus, hic alienior
Splendoris exortum sereni
Prospicit, & veniens adorat.
Ostensus asiri latior aurei
Fulgor, non antè stellifero in polo
Conspectus ignis, innouandi
Auspicium referebat orbis.
Ergo peractis iam spatiis via,
Contingit hospes mœnia nuntius,
Qui dicat aduenisse regem,
Gentibus & populis colendum.
Quem mox repertum latior & Magus
Miratus, ultra quàm soleat puer
Mortalis, ostendisse sanctum
Vultum oculis animoq; cernit.
Hinc prouoluto pectore & oscula
Infantis addens tum pedibus noui,
Testatus aduenisse numen,
Munere tergemino salutat.*

GENTIVM LVX.

*Quae colit, agnoscitq; Deum, sapientia vera est.
Quem tater hoc, rudis est, quamlibet alta sciat.*



DEO IMMORT. HOMINI VERO REGI LIBERATORI. S.



In tabulam Iosephi in Ægyptum commigrantis.

ODE DICOLOS DISTROPHOS. XLI.

DIC mihi quò tenellam
Virginem (nam virgineum conspicio decorem)
Frigore sauiante,
Hospes incessu fugitium properante ducis?
Quod pueri decori
Nomen est? cur surripis hunc æthereo parenti?
Namque tuum puellum
Isse mortali genere progenitum refutant
Digna Deo tonante
Ora maiestasq; oculis in teneris renidens.
Quam nemo & silentes
Auditam vocem venerantur, capiuntq; sylux,
Attonitumq; flumen
Sistit undas præcipites blandifono susurro.
Vera rogas; perennis
Est Dci natus puer; intactam habet is parentem
Virginem: ego huic ut illi
Traditus custos monitis aligeri ministri
Mœnibus è cruentis
Pignus en sacrum abripio, ne violet ferocis
Inuida vis tyranni,
Ad Phari abiunctas properando procul exul oras:
Pignore quo salutem
Sperat humanum genus, & quo reparanda primi
Damna parentis, & quæ
Dona nobis Numen erat pollicitum benignè.

DIVINA TUTELA.

*Præsidium in mediis Deus inuenit hostibus huic qui
Sese habet; à patria sit licet exul humo.*



PRINCIPI OPT. PRO SVIS EXVLANTI. S.

PH



In tabulam Iesu in templo reperti.

ODE TRICOLOS TETRASTROPHOS. XLII.

DUM virgo casti sollicitis viri
Adiuta curis, querere filium
Desideratum condolenti
Voce rogans loca cuncta lustrat:

Fulgente solis lumine tertij,
Templi in reductis adibus inuenit
Inter senum eruditiorum
Non tacitum puerum cathedras.

Confusa circum turba stupentium,
Responsa fixis combibit auribus,
Mirata maturum loquentis
Consilium ingeniumq; princeps.

Qua tanta vis, quid pectore numinis
Caestis, aiunt, in tenero latet?
Quis verba deuoluens diserta
Spiritus ore mouet tenello?

Miranda certè audiuius omnia,
Adhuc nec ipsis nota Prioribus.
Quid? hunc putemus hac magistro
Ex homine aut didicisse libris?

Atqui & profundis consiliis Dei
Praesens videtur nunc animo frui,
Inde & relatos explicare
Quos rogat insinuatq; sensus.

Aut illa caelo non nimium diu est
Mens venit, artus induit & novos,
Vocesq; promens efficaces
Se puerumq;, Deumq; praebet.

GRATIAE. THESAURVS.

*Diuinæ studium Sophiæ pulcherrima vita
Esse, puer, nobis munera, sancte, probas.*



DIVINITATI EMICANTI. S.

PH



In tabulam Iohannis prædicantis.

ODE TRICOLOS TETRASTROPHOS. XLIII.

VOCEM, salutis quam fore nuntiam
Dixere præcis temporibus p̃ij
Vates, Iarden obstupenti
Flumine percipit vsque primus:

Quando efficacis fulminibus soni
Commotus omnis contremuit locus,
Quacunque distinguunt iacentes
Aequora Gilghediusque terras.

Hanc & colonus gentibus impiis
Vicina iungens prædia, combibit
Non aure surda, hanc ipsa Iudæ
Posteritas, Solymumque ciues.

Deducta calo tempora gratiæ,
Mistas & altis pollicitis minas,
Mirantur omnes, ac loquentis
Vultum habitumque hominis seuerum.

Namque is fidelis credita munera
Legatus, alti & consilium Dei
Dum præco complet, nec potentis
Suspicit aut metuit tyrannos:

Ostendit unam & perpetuam sibi
Curam, docendo sistere denios
Ad limen angustum salutis,
Atque ducem cecinisse certum.

Oblata non huic gloria commouet,
Non durus ensis propositum graue;
Id quippe monstrabat seueræ
Mentis honosque habitusque vitæ.

LVCIS DIV. CORVSCATIO.

*Certa reducendis animis pereuntibus atque
Clara via est, morum cum probitate fides.*



SALVTIS NVNTIO GRAVISS. P.



In tabulam Christi in Iordane baptizati.

ODE DICOLOS TETRASTROPHOS. XLIIII.

Quæ festa lux hæc, dicite montium
Sylva? quid alto gaudia personant
Clamore rupes, quas imago
Percipit, ingeminatq; voces?

Quæ tanta præceptis pennigerum genus
Exercet alius cura micantibus,
Cali per oras atque acutis
Cantibus instrepitare cogit?

Iam gestientis lætitiæ decus
Quæ causa nuper proferat audio,
Trini quoddam inspectanda terris
Numinis emicuit potestas.

Hic nam nitenti lumine spiritus
Delapsus alti culminibus posui,
Candentis aspectum columba
Præbuit, auricomumq; lumen.

Et vox ab æthra personavit parvis
(Quam densa sylva contremuit coma)
Audita, præsentemq; natum
Dicere, & hunc populis magistrum.

Hunc, quem neque alii conscia numinis
Natura nostrisq; ulterius modis
Virtus refulgens administrum
Esse hominum generi retardat.

Hic se minori subdidit hospiti
Amne abluendum, purus & innocens.
Nec ipse quamvis usque compos,
Id quod erat, tamen efferebat.

Illum stupenti fluminis alveo
Gaudens Iarden suscipit, humidis
Complexus vlnis, & loquaci
Marmure concelebrans salutat.

Et quæ secundo persluit agmine,
Sacrata densa membra volumine
Circundat hærens, & priorem
Vnda sequens premit invidendo.

MODESTIÆ ORNAMENT.

*Non decus ipse suum iactat natus, pater ipsi
Adscribit: vera hæc gloria, nulla prior.*



CHRISTO DEI FILIO PRONVNCIATO. S.

P.H

In tabulam Tentationis.

ODE DICOLOS DISTROPHOS XLV.

*SYLVIS in mediis agmina celitum
Cernebam famulas adproperantium
Exercere vices letaq; floridis
Mensis fercula ponere.*

*Dumq; ipse insoliti contremo muneris
Spectator ardens discere, maxima
Causam letitiæ, cuiq; decus noua
Cenæ præniteat, rogo.*

*Vnus pennigerum de iuuenum choro,
Scitanti hæc alacri pectore reddidit,
Cui mox tota cohors per iuga montium
Blandis accinuit modis:*

*Hic iudex superum maximus excipit
Natum Nazaridos virginis, & suum,
Quem nunc tergemini gloria frondibus
Victorem decorat sacrum.*

*Hunc nec longa fames, tesqua nec aspera
Monstrorum horrificis densa cubilibus,
Non horror gelidæ noctis amabili*

*Intentum alloquio ad patrem
Turbauit: sed & hic sustinuit volens
Vsque inuicto animo prælia, quæ ferox
Tentator solitis artibus, ac dolis*

*Audaci intulit impetu:
Qui partem superum traxerat insolens
Fallaci studio præcipui loci,
Cui primos homines seclaq; postera
Vnus subdiærat dolus.*

*Nunc victus triplicis pondere prælij
Vertit terga gemen, armaq; & omnibus
Posthac discipulis expositas vias
Vincendi dolet improbus.*

SCRIPTVRAR. VTILITAS.

*Legitimè certare queas, & viceris hostem
Instructus verbis consiliisq; Dei.*



CHRISTO DUCI INVICTISS. S.

PH

In tabellam signi à Christo in Cana editi.

ODE SAPPHICA. XLVI.

QVÆ pater mundo posuit recenti
Iura, sacrati thalami deditq;
Inncta concordì sociare vitæ

Munia lege:

Illa præsentì patris ipse natus
Numine antistes decorata, firmat,
Fausus & gratas epulas benigno
Comprobat usu.

Sic & arcanis sociare tedis
Gentis humanæ genus expetitur,
Et sibi magnis emere. iugandum
Dotibus ardet.

Possit ut nostræ recreata gentis
Inncta diuino soboles marito,
Splendidi sedes habitare cali
Regnâq; diuinum.

Prima miratrix Galilæa Canas
Obstupet testis renouata rerum
Munera, & magnum probat esse Iesum
Pectore numen.

Dum videt certas variare formas,
Iurat & præci latice Noachi,
Fonte quas nuper vitreo fluenteis
Hanserit undas.

NATVRÆ INNOVANDÆ ARGVM.

*Sordet quicquid habet mundus cum munere Christi
Collatum; nec iam quæ placere valent.*



CHRISTO CVRATORI BENIGNO. S.



In tabulam Christi prædicantis Euangelium.

ODE DICOLOS TETRASTROPHOS XLVII.

PRODUCTVM populis de sapientia
Patris consilium filius incipit
Enarrare, bonus dicere & algida

Dictis vrere pectora.

Nam qualis calido lumine ab ætheris
Alta sede humiles sol penetrat domos
Terrarum, variusq; exagitat potens

Tentatas species modis;

Cùm plumbi & chalybis grandia semina
Concreſcunt validis acta vaporibus,
Sed cere faciles & glacies niuis

Decurſu fluido liquent:

Talis sermo Dei mentibus inditus,
Obdurata premens æra superbie,
Marcentes animos sed faciles fouet

Vite munere prospero.

Non cæca ambitio, non amor improbus
Rerum quas studiis appetit ultimis
Vulgus, non animi luxuries capit

Sancti commoda nuntij:

Sed quos dura hominum sollicitant mala,
Vel vitam puduit ducere turpibus
Inſectam vitii, vel timor obligat,

Cura & iuſtitie tenet.

Hi (quanquam exiguum) pectore viuido
Semen concipiunt quod cumulos creat,
Queis aterna parens horrea compleat,

Et diuinum exhilaret choros.

DIVINÆ DISCIPLIN. SCHOLA.

*Quas fugitat mundus rerū sunt commoda tanta?
Sic est: sed stultis non sapit ista seges.*



GIMPLICIUM DOCTORI OPT. S.

P H

In tabulam Christi Apostolos legantis.

O D E XLVIII.

SÆCLORVM veterum, præscripto ex ordine, finem
Certa Deo voluentibus annis
Tempora protulerant, hominum quoque magna per orbem
Strata seges matura iacebat;
Agricolam iam cana suum cum terra vocaret,
Et falcem expectaret acutam,
Redderet ut fœtas seruandi farris aristas,
Sed culmos quoque rursus inanes:
Tunc Domini messis natus, summusq; minister
Orbis imago auctorisq; nouandi,
Selectorum operi tanto, duodena virorum
Ora tuens, sic fatur amicè.
O mihi præchari comites, sociiq; laborum
Arcanig; sacraria magni,
Non vos parua manent discrimina, vertere missos
Terrarum moremq; modumq;
Queis maris horrissoni fluctus, ac dura viarum
Sunt adeunda pericula sæpè.
Non ut Erythreas gemmas, ostrumq; superbum,
Numorumve paretis acernos;
Sed magis ut nudi atque inopes, patriaq; remoti,
Vexati, instabilesq;, vagiq;
Vulpibus infestisq;, lupisq; rapacibus, agni
Imbelles, blandaq; columbæ
Sitis, lux tenebris, nimiumq; furentibus agris
Fomentum medicig; fideles.
Ite igitur fortes, & me duce & auspice magni
Consilium curate parentis.
Æthereas sperate & opes, æternag; sedis
Sceptra mea, & conuiuia mensæ.


LÆTISSIMA ORBI LEGATIO.

*Fortia debilibus superantur, maxima parvis:
Viderat hoc demens mundus, & obstupuit.*



MAGNI CONSILII NVNTIO SVMMO. 2.

PH



In tabulam Christi turbas pascentis.

ODE TRICOLOS TETRASTROPHOS. XLIX.

EXPLETA mensis turba capacibus
Non antè viso munere ferculi,
Cognouit aeterni magistri
Quantum agitet, valeatq; cura:

Cum panis atri, & quæ trimulus puer
Perferre possit pondera piscium,
Creuisse Christi partientis
In manibus stupefacta cernit.

Cibos an ipsos diuidat, an magis
Massæ imparatam materiem creet,
Cognoscere haud queunt ministri,
Ferre onera, & renouare lassî.

Seruanda cœnæ quæ fuerant super
Dum frustra iussî expendere, colligunt;
Mirantur impensam negantes,
Compositum cumulum canistris.

Et iam palato multiplici satur
Conuiuia, iurat nil sibi dulcius
Sedisse transactos per annos,
Nil melius propriusve vitæ.

Quis non malarum stulta cupidinum
Deponit ardens & studia, & graues
Curas habendi, si benigni
Verba auido bibit ore Christi?

PROVIDENTIA CERTISSIMA.

*Si potiora Deum poscas, nihil indigeas: si
Deteriora petas, nil satis esse puta.*



MYMANAE INFIRMITATIS CVRATOR. S.



In tabulam Lazari ab inferis reuocati.

ODE DICOLOS DISTROPHOS. L.

VIRTUTIS altae publicum spectaculum
Christus daturus iam suis;
Docturus & quantum ardeat mortalibus
Afferre vitam perditis:
Vinci suum absens pertulit charum caput
Lethi sopore Lazarum,
Dum notus esset gentibus casus viri,
Signum futuri viuendum.
Cui membra tabo rancido fœdauerat
Quartus sepulta Lucifer,
Hic efficaci percitus Christi sono,
Quem mors & inferi expauent,
Surrexit atro de sepulchri carcere,
Lethi remissis vinculis:
Testatus ardens ferre quid possit fides,
Quid donet & nato Deus.
Nato & salutis nuntio, quem temporum
Prospectat ordo principem,
Ipsi quoque orbi iam senescenti malis
Latos tributurum dies.

FIDEI MOMENTVM.

*Non moritur quem Christus amat, potiusq; quiescit.
Ille citò, quem vult, euigilare facit.*



VITAE AVCTORIEFFICACISS. SAC.

P H



In tabulam Christi regis Ierosolymæ declarati.

ODE SAPPHICA. LI.

PVLCHRIOR nunquam, licet vsque fastos
Iebusum à priscis repetas colonis,
Sol prius luxit Solymùm beatæ aut
Gratior vrbi;

Quàm peroptatis vbi tempus annis
Obrulit magni faciem colendam
Regis, arcano cecinere qualem
Carminè vates.

Cui dedit nutu pater efficaci
Pellere infandæ mala damna fraudis,
Et noua ingrato retulisse mundo
Sacula vitæ.

Hunc vt exceptum populi valerent
Cernere, & certis celebrare signis,
Vexit insuetus iuga ferre lentæ
Pullus asellæ

Principem, non vt quibus intumentis
Folle ventosum vitiosa pectus
Urget, infestis populo, cupidoq;
Ambitioq;.

His potestatum specie superba
Arrogat laudes metus atque honores,
Multa mentitis malè blandientis
Munera lingua.

Huic sed æternos meruere plausus
Dona doctrinæ memorata diuæ,
Atque morosis medicina præsens
Addita morbis.

Vidimus castos pueros canoro, ac
Virgines Regem coluisse versu,
Et salutare meminisse, & alto
Aethere missum.

Quin & insonteis olea virentis
Pacis auctori pia turba frondes
Spargit, & vestes properatq;, auetq;
Sternere eunni.

Nam probat sanctum potiusq; dignum
Euehi iunctis humeris colentum,
Quem Deus terris iubet esse regem,
Pontificemq;.


SALVTIS PROPOSITIO.

*Christum sponte tibi venientem suscipe mitem.
Si non suscipias, experiere grauem.*



REGI LEGITIMO DECLARATO. S.

PH



In tabulam cœnæ Domini.

ODE DICOLOS DISTROPHOS. LII.

EXPECTATA *dñu*, *sibi*

Atque optata noui ex orbis origine

Cenæ ad fercula mysticæ

Conuiuas homines sollicitat Deus ;

Quales agmina cælitum ,

Si possint , epulas inuideant viris ,

Admirata minoribus

Grato munifici consilio patris

Tantum terrigenis decus

Et deducta polo munera porrigi .

Nam quæ ritibus annuis

Abrami soboles festa peregerant ,

Contestata iugum graue , &

Depulsos dominos , & miserum metum ,

Euasq; maris diem ,

Extinctasq; minas fluctibus impias ;

Veris nunc eadem modis

Instaurata nouat , qui patris integrum

Consors imperium tenet ,

Qui vitam proprio numine sufficit ,

Defectumq; animat genus .

Hic sese gregibus dum esurientium ,

Arcani specie latens

Panis , suppeditat ; dumq; rubentia

Vini pocula sanguine ,

Occulto at proprio præbet auentibus ,

Quicquid mentibus improbus

Ac membris coluber subdiderat mali ,

Et quam scire malum petens ,

Mater perniciem fuderat improbo

Fataliq; nepotibus

Pomo , visceribus corrigit intimis ;

Et lethi remouet iugum ,

Et dat posse bonis perpetuis frui .

CELATVM SECVLIS ARCANVM.

*Has epulas, queis vita Dei, queis munera Christi
Conciliantur, ames, si sapis; ut capias.*



DEI BENIGNITATI ADMIRANDÆ. S.

PH



In tabulam Christi ad victimam ultro oblata.

O DE TRICOLOS TETRASTROPHOS. LIII.

QVI solus omnes immeritus luat
Noxas parentum, & crimina posterum,
Nunc agnus orbi postulatus,
Ipse animam iugulumq; prabet.

Namque ante priscis ritibus hostia,
Quaecunque cultros imbuerant sacros,
Nec crimen expedire nostrum,
Nec poterant mala dimouere:

Non si secundo à sideribus die
Armenta, quotquot vel pecudes tulis
Tellus, ad aras obtulisses
Ignibus assiduis calentes.

Nam qua sub alti cardinibus poli
Humana præstet munia quadrupes?
Vel mentis exæquet valorem,
Vel pretio solidante ponat?

Vras auaris ignibus omnia
Armenta semper, non veteris tamen
Consumis vnà & membra Adami,
Semina vel malè nata tollis.

Quid quod nec illis viuida spiritus
Concessa vis est, qua valeant semel
Extincta respirare in auras,
Atque nouam repetisse lucem?

Possent recepto munere quamlibet
Extare, & artos induerent nouas,
Non illa partes attulissent,
Aut animas rediuiua nostras.

Atqui vetustis debuit artibus
Occisus aquas pendere noxius
Pœnas, & exurgens probanda
Iustus homo rediisse vita.

Ergo efficaci munere duplici
Instructus agnus, quiq; valet mori;
Rursusq; viuens emicare,
Atque sibi sociare mundum;

Hic, (omne nostrum qui superat genus)
Firmat volentis consilium Dei,
Et sponte productus, nocentum
Facta hominum subit expianda.

PUBLICA VICTIMA.

*Maxima mortalis qui ferret pondera culpæ
Asportanda, unus Christus & Agnus erat.*



SACERDOTI AETERNVM VNCTO. S.

PH



In tabulam Christi in horto.

ODE DICOLOS TETRASTROPHOS. LIV.


NON tam densa bonus credere Gedeon
Villis exposuit vellera candidis,
Nocturno penitus rore madentia,
Quæis tellus sitit inuidens;
Nec tot sicca iterum combibit area
Diffusas nebula munere roscida
Stillas, quæ domitos exigua manu
Hosteis præmoneant duci.
Quam multis hominum criminibus tener
Agnus comprimitur, qui subit omnium
Culpas immodico pondere plurimas,
Humanumq; refert genus.
Dum iusti memores numinis expedit
Iras atque odium, dum veterem parat
Offensam generis suscipere, ut graueis
Pœnas iustitiæ luat.
Ille & iudicij conscius ardui,
Et quantis voueat criminibus caput,
Quas explere petat vulneribus minas,
Horrens procidit & pauet.
Horret parte sui prouidus altera,
Quæ nec nempe mali nescia, nec boni,
Sed mens exuperat certa sequi graue
Magni consilium patris.
Hic dum pressa hominum criminibus tremunt,
Et mentis properant imperium sequi,
Permanant fluidis membra cruoribus,
Et sudore madent truci.

PVBLICI DEBITI GRAVITAS.

*Eheu corda graui nimium sunt pressa sopore,
Pro quibus hîc orat Christus & aduigilat.*



HVMANAE MISERIAE SVSCEPTORI. S.



In tabulam Iesu capti.

ODE DICOLOS DISTROPHOS. LV.

COE CO carcere prodita
Nocturnæ tenebræ præcipites eunt,
Terras quæ temerent magis,
Et mergant veteri cuncta voragine,
Quam cum procubitu vago
Celabant pelagi confluium rudis.
Hinc tantum sceleris feri,
Infandumq; nefas concipiunt vaga
Noctis tartareæ agmina,
Vrsorum catuli & germina vulpium,
Infidumq; genus lupi:
Dum stricta iniciunt vincula perdit
Miti agno ætherei patris,
Quem diris lacerant rictibus, & trahunt,
Intentum penitus mori,
Et prodesse etiam carnifici suo,
Illum si tamen efficax
Permutare notet non refugum cruor.

IMPROBITATIS PERMISSÆ IMPOTENTIA.

*Traditur à seruo dominus, cui non gravis est tam
Quòd prodit, quàm quòd proditor ipse perit.*



AGNO SALVTARI MITISS. S.

PH



In tabulam Iesu in consilio damnati.

ODE DICOLOS DISTROPHOS. LVI.

EH EV scelestis cæca mens mortalibus
Et culpa dira consciis !
Quid non nefandi concipit præceps mali,
Quid non scelesti perpetrat ?
Simul tenebris obuoluta turbidis
Veri refugit lumina ,
Et blandienti capta sorte commodi
Præsentis in præceps ruit .
Namq; & senator & sacerdos altior ,
Et scriba legumq; arbiter ,
Errante plebe doctior insolentior
Sese suosq; perdidit ,
Dum missa dono Patris almi pignora ,
Agit ream sobolem Dei ,
Salutis ampla qui ferebat pontifex
Promissa rebus efficax .
Hunc parricidis orta turba viperis ,
Illudit indignis modis ,
Postquam furentis voce turpi flaminis ,
Damnauit amens concio .
Et ora Soli percolenda fulgido
Vesana deturbat manus :
Ac verba ridens miscet insolentia ,
Quæ dictat infernus furor .

VIRTUS MVNDO INVISA.

*Contemnit damnatq. suam male sana salutem
Turba hominū postquam decidit in tenebras.*



INNOCENTI PRO SCELERATIS DEVOTO. S.

PH



In tabulam Christi ad Pilatum ducti.

ODE DICOLOS DISTROPHOS. LVII.

QVONAM scelestæ turba non dignis virum
Vinclis reuinctum proripis?
Nam nec cicutæ temperator impius,
Nec cæde famosus latro,
Nec qui parentis ædibus flammæ tulit,
Tantos furores excipit.
Vix ista sæua fert tumultus inuidi
Exempla, qui negat Deum:
Vel qui deorum abominanda numina
Ausis prophanis consecrat.
Qui sancta legis abrogat volumina,
His debet excludi modis.
Ast hic salutis certus almæ nuntius,
Amica mens mortalibus,
Hic expetitus antè cunctis sæculis,
Promissus atque vatibus;
Matura missus nunc referre tempora,
Fructusq; dignos poscere;
Hæres colonis execratus improbis
Fundo è paterno pellitur:
Fundo probatis quem noua arte vitibus
Diuina plantarat manus:
Heu peruidacis fraude gentis, & dolo
Exclusus extra vineam,
Vrsis premendus, & feris leonibus
Dilancinandus traditur.
Sed horret atrox gentis impie nefas,
Fera ipsa, & cogitur tamen.
Inuita verbis cogitur minacibus
Scuire in agnum innoxium.

FELICITAS REPVLSA.

*Vtrique infamis populo cū factus Iesus,
Curabat populi tunc res utriusque tamen.*



AGNO A LVPIIS LEONI OBJECTO. S.

PH

In tabulam Christi ad Herodem missi.

ODE TRICOLOS TETRASTROPHOS. LVIII.

I V S T V M & suorum fraudibus inuidis
In mortis actum crimen ut audiit,
Non prator audebat nefando
Iudicio temerare Iesum.
Exlex & atris noctibus undiq;
Septus Tyrannus, fas tamen inspicit
Et iura perpendit profanus
Pontificum melius cathedris.
Ille innocentem perdere transferens,
Declinat acti iudicium rei,
Causamq; deuoluit tyranno
Quem Galilæum populi timebant.
Hunc nec paternæ exempla ferociæ,
Nec tuta nunquam cura tyrannidis,
Aut nomen auditum vocati
Regis agunt, properare fraudem:
Postquam superbo iusserat ambitu,
Et curiosa mente poposcerat
Spectator, ac vellet probare
Signa modis celebrata miris.
Sed Christus alta sceptrâ potentie
Vultu seuero despiciens, tacet,
Et vana poscentem silendo
Improbat, imperiumq; temnit.
Ergo Latini ad iura Palatij
Fastidientis munere principis,
Et veste derisus nitenti
Opprobrium tulit ipse nostrum.
Probrisq; fœdis pressus, & arduo
Sensu dolorum, non tamen immemor
Prodesse, iungit disidentes
Numine conciliatq; reges.

INNOCENTIA SPECTATISS.

*Quot testes habet ex populis innoxius agnus,
Ingratum mundum tot premet arbitriis.*



HVMANAE CAUSAE PROCVRATORI FORTISS.S.



In tabulam Iesu flagellati.

ODE DICOLOS DISTROPHOS. LIX.

QVID sanctum Iesu corpus atque innoxios
Artus aduris carnifex?
Quid membra, quarto puriora sidere,
Plagis cruentis inficis?
Non tantus unquam stirpis incensæ fragor
Auditur altis montibus,
Nec deuolutus in subiecta marmora
Imber, ferit frequentius.
In me furem verte si sapias manum,
Et terga cade noxia.
Namque ipse lenæ legis excussæ iugum,
Iussa ipse perfregi Dei:
Hæc quanta dignus vincla perferre & necesse
Et flagra dura perpeti.
Sed istud, atro quod liuore pernotas
Maiora laturum, caput
(Cui cuncta magni turba præfulgens poli
Addicta paret nutibus,)
Contracta noxæ crimina expiat mea,
Irasq; placat vindices.
Vides ut alto perferat silentio.
Quæ seuus addis verbera?
Atqui efficaci deprecatur is tuas
Measq; pœnas vulnere.

PACIS HUMANÆ DISCIPLINA.

*Vritur ardenti tortoris verberare Christus,
Quem magis humani torret amor generis.*



IGNOMINIAE PUBLICAE SUSCEPTORI. S.



In tabulam Christi Bar-Aba posthabiti.

ODE DICOLOS DISTROPHOS. LX.

QVÆ pestilentis, heu, furoris pocula
Deprompta ab inferno lacu,
Malo remixta viperarum sanguine,
Spumaq; tabida aspidis,
Incontinente fauce traxit inuidum
Vulgus ferente Belsebo?
Quid non furentis cæca turba consili
Admittit, atque criminum?
En cuius altæ summæ laudis arbitri
Credatur usque calculis?
Quisnam repente vos probata compulit
Mutare testimonio?
Aut quæ nouandæ spes amata commodi
Vestris inarsit mentibus?
Sic improbato regis almi numine
Optare turpe dedecus?
Optare culpam sanguinis, nec omine ex-
cepisse posteros graui?
Quem nuper amplis plaussibus suscepas
Regem Deumq; creditum:
Quem de paterna sede missum dixerat
Summæ salutis principem,
Experta magnis efficacem fructibus,
Vt hisq; veracem bonis;
Huic turba lymphis innatante cortice
Et vilis & leuis magis
Audet latronem prætulisse perfidum,
Quumq; postponit lupo.
Et non profanæ plebis heu sententiam
Mens docta calitus oderit?

HVMANÆ MENTIS LEVITAS.

*O mens leua hominum quæ pignora certa salutis
Postponis damno dedecoriq; tuo.*



HAEREDI AETerno A SÆVIS EXPLOso. S.

PH

In tabulam Christi producti.

ODE DICOLOS DISTRÓPHOS. LXI.

QUEM maria & venti metuunt , quem lucida cali
Agmina perpetuo venerantur ,
Quem vitæ pacisq; alma lucisq; beata
Pontificem fontemq; perennem
Credimus , & natura probat responsaq; prisca ,
Atque index certissimus usus :
Idem hominum scelere infami atque immanibus ansis
Dum tenebræ viguere malignæ ,
Heu facinus , patria depulsus ab æde , profanis
Obiectusq; leonibus , ecce
Funesto ligno grauis opprobriisq; proteruæ
Linguae , cuncta venena vomentis ,
Ducitur ingrato populo inuisusq; , sacerq; ,
Infamis quoque fabula vulgo ,
Obscurisq; genis colapho effususq; cruore , &
Sumptis toto corpore plagis ,
Vultu habituq; omni nimium mutatus ab illo ,
Certatim quem plausibus amplis
Legitimè nuper Regem auctoremq; salutis ,
Vrbs Solymùm venerata canebat .
Nunc adeo veluti cunctis infensus , ab omni
Leditur & perfert probra turba ,
Scilicet à cunctis caput hoc damnabile noxis
Mundus , iam video , dabat omnis ,
Denotam & vario multorum crimine calum
Hanc animam statuitq; petitq; .
Ac purus natura Agnus delicta suorum
Nunc subit , & luiturus acerbo
Vulnere , personam tenet execrabilis hirci
Damnatus quem deuouet orbis .

LVX INTER TENEBRAS.

*Artibus atque armis in te qua mouerat hostis
Victus stultitiam sentiet ille suam.*



PB. PH

INNOCENTIAE PRO NOCENTIB. TRADITAE. P.

PH



In tabulam Christi crucifixi.

ODE TRICOLOS TETRASTROPHOS. LXII.

CERTVM recenti ex orbis origine
Firmatum & alta mente negotium;
Deliberata morte magnus
Explicat ac peragit Sacerdos.
Amiffa vitæ munera perfido
Primi parentis crimine degener
Natura cunctis haut valebat
Artibus aut opibus referre :
Vitæ perennis lux nifi feruida
Lethi vagantis per miserum genus
Intraret horrendas tenebras,
Et caperet premeretq; victrix.
Auctor malorum tunc veterum draco,
Hami latentis faucibus additos
Persensit uncas, dum paratam
Aggreditur temerator escam.
Ille & potentem iam malè prouidus
Prædam libenter mitteret, ac nimis
Luctatus intorsit maligna
Pectora conuoluitq; tractus.
Suffensa lignum membra doloribus,
Atque effluenti sanguine conficit,
Nostram sed attentus salutem
Cogitat is, tacitusq; curat.
Donec probante hæc pignora numine
Suffecit vnâ pro populo hostiam,
Irasq; sedauit tremendas,
Atque poli patefecit arcem.

SACRIFICIVM SVMMVM.

*Infamis suaveis fructus hæc sustinet arbor,
Quæ vita possunt commoda certa dare.*



SACERDOTI MAXI. PRO POPV. LITANTI. S.



In tabulam Christi de cruce depositi.

ODE TRICOLOS TETRASTROPHOS. LXIII.

QVALEM reuulsis frondibus æsculum,
Quam seu ventis bruma nivalibus
Orbauit umbroso nitore,
Terra parens doluit videndo:
Quam post remissis frigoribus breuis
Horæ recepto robore viuendam,
Ramosq; crescentem priores
Sperat auens bene prodituram;
Namque illa firmis indita stirpibus,
Vires tenaci cespite protulit,
Qua uina subiecti caloris
Vis penetrat, recreatq; terras:
Talem dolenti pectore, & intimis
Percussa virgo visceribus, truci
Demissa ligno membra nati
Conspiciens, gemit, atque fulcit.
Quem culpa nostri sanguinis & nefas
Omni carentem crimine presserat,
Floremq; delectum parenti
Contuderat furiata turba:
Ast efficaci numine compotem
Vita valentem munera mortuis
Præbere membris, & remotam
Corporibus renocare lucem,
Tantisper almus dum veniat dies,
Et cedat atris nubibus obsita
Nox illa defunctum labore
Certa fide genitrix manebat.

INIMICITIÆ COMPOSITÆ.

*Cuncta, Deus dixit, trado tibi, quod mihi seruum
Tute ad mortiferam gesseris usque crucem.*



INFEROR. EXPUGNATORI EXPOLIATOR. Q. FORTISS. S.

PH



In tabulam Sepulchri Epitaphium .

CARMEN ELEGIACVM. LXIIII.

MIRATVRA cito rediuiuum surgere corpus ,
Marmorei silices antraq; parua tenent .
Pignore deposito multum o felicia saxa , at
Pignore reddendo saxa beata magis .
Membra fouete hominis, quibus est nil purius vsquam,
Membra extincta hominis , viuida membra Dei.
Neu tabem , neu vos turpeis metuatis odores ,
His procul ista malis est aliena caro .
Iam quod erat nostra culpa , mors eluit ; ultra
Mortem pro nobis debuit ille nihil .
Nunc sibi (namque potest) vitam propriam ipse reponet,
Perpetuo & nobis viuere posse dabit .
Compositas igitur saxum hoc testabitur iras ,
Et renouata orbi fœdera amicitia.


IESV NAZARENO PRO MVNDI NOXIS OCCISO,
REGNI CAELSTIS HOMINVM CAUSA ASSER-
TORI DEI FILIO VIVENTI, HOMINI MORTVO
EFFICACISS. SEPVLCH. NOVVM AD TEMPVS
BREVE. EX DIV. CONS. DESTINAT. EST.

HUMANI GENERIS DIVITIA.

*Pressa labore gravi pugna dum membra quiescunt,
Expoliat Barathrum Spiritus & tenebras.*



PH



In tabulam Christi resurgentis.

ODE SAPPHICA. LXV.

I AM nouo felix nitet orbis ortu,
Clara festinat solito priores
Ianuas nato referare; primæ

Nuntia lucis.

Cuncta sollennes variare lusus
Cernimus: dulci volucres Camæna
Personant syluas & amicta verno

Prata nitore.

Quæq; crudelem dolière mortem
Nuper auctorisq; hominum, suiq;
Sidera obducto tenebrata cælo

Ruptaq; saxa,

Hunc vident vitæ reducem; cruenti &
Compotem belli, & grauis eminentem
Casibus lethi hunc, meriti ac triumphæ

Munere clarum.

Is breui magnos spatio labores
Perferens duræ necis, ac sepulchræ
Victor & furuas Acherontis vnus

Diruit arces.

Inde funestum domitor tyrannum
Fraudibus parta minuens corona
Traxit, & regnum spoliauit amplum

Mortis amaræ.

Criminum auctrices furias, metusq;
Visus æratis cohibere vinclis,
Efficax alma sociare mundo

Commoda vitæ.


VITA ORBI ALLATA.

*Vidit ut extantem Satan de funere Christum,
En, ait, hic homines, non mea regna, novos.*



IESV CHRISTO MYNDI MORT. INFEROR. Q. VICT. POTENTISS. S.

PH



In tabulam Christi discipulis conspecti.

ODE DICOLOS DISTROPHOS. LXVI.

IMPROVISA simul nigro lux ignea calo
Fulguris emicuit:
Turbatos horrore animos hiemisq³ maligna
Nubibus assiduis
Exterret, trepidosq³ oculos praestringit, & acri
Lumine saepe ferit.
Ut quamquam certus radianti ex aethere fulgor
Sensibus incubuit;
Obtenebrata tamen stupefactaq³ lumina tristis
Tempora noctis agant.
Non secus occisi tempestas dura magistri,
Exanimisque metus
Discipulos tristes effecerat, ut neque certis
Visa oculis Domini,
Vel species vel verba novam testantia vitam
Perdoceant pauidos.
Non haustu mens arcta hominum comprehendere primo
Munera tanta valet.
Illa tamen seu tarda putes ignarae rerum,
Cordaue dura nimis
Multiplices usus, ventura in secula mundo
Expediere boni.
Nam quicquid fidei obiciunt error'que metus'que,
Ingenium vel inops,
Impietas, & suspicio male credula veris,
Vel dolus illaqueans:
Omnia praesenti exemplo, iam testibus illis
Exuperata iacent:
Nec quicquam reliquum dubij est mortalibus ultra,
Credere quin valeant,
Quicquid prisca almo adscripsere oracula Christo,
Quicquid Apostolica.
Felices adeo, dubio quos exuit omni
Saepe oculata fides.
Dicta Dei sed qui credit, felicior ille est,
Nec petit inspicere.

VERITAS SPECTATISSIMA.

*Non vinum dubitate ultra, sed credite, vobis
Posse dari per me vincere mortis opus.*



CHRISTO VIVEN. PER OMN. DOM. APPELL. S.

PH

In tabulam ascensionis Christi.

ODE TRICOLOS TETRASTROPHOS. LXVII.

EX PERS amara mortis, & hostium
Victor, triumphis perpetuis potens,
Solisq; peruincens nitores,
Astra petit patriamq; Christus.
Qui patris amplum spontè reliquerat
Regnum, quietas & superum domos,
Mortalis & vitæ labores
Pertulerat vigilesq; curas:
Celante numen corpore maximus
Hospes, paratus seruitium graue
Terris subire, atque inquietos
Usque dies tolerare & annos.
Et sumpta nostræ sortis, & ordinis
Incomparandis membra laboribus
Intendit, exercetq; patris
Nutibus, imperiusq; summi.
Ergo peractis ipse periculis,
Seruus probatis officiis bonus,
Audire dilectusq; natus
Promeruit, soliūq; consors.
Præsensq; nostris partibus addidit
Virtutis, alti & munera nominis,
Carniq; diuinos honores,
Et proprium decus arrogauit.
Miratur ardens discipuli cohors,
Certo petentem numine sidera;
Nubesq; subiectas prementem,
Vix oculis celerem sequuntur.
Regemq; celi suscipiunt suum
Victoris auctum laudibus inclytis,
Celsiq; plaudentes ministri
Concelebrant hominem Deumq;.

EMERITA GESTORVM GRATIA.

*Ipse via est, ductorq; bonus, qui venerat alta ex
Arce, redit, nobis ut paret ipse domum.*



CHRISTO TRIUMPHANTI. S.

PH

In tabulam Spiritus sancti.

ODE SAPPHICA. LXVIII.

QUICQUID optandum cecinere vates,
Principes quicquid cupidi petebant,
Attulit mundo celebranda Christi
Pontificis lux.

Clara lux flammis radiata miris,
Quæ male extinctum renouauit orbem,
Quæque deiectum leuat impotenti
Pondere Adamum.

Dextere Christus patris efficaci
Redditus, charæ comitum cateruæ
Impetrat magnis meritis reperta
Flaminis almi

Dona: quæ postquam sociata castis
Mentibus, mortem perimunt priorem,
Et graues noctis tenebras corusco
Lumine mutant,

Error & tristes fugiunt pauores,
Quæq; cor fluctu quatit inquieto,
Pacis infelix inimica sentit
Frena cupido.

Constat exemplo facilis benigno
Christus, & nosiris eadem parare
Sæculis, si quis meruit probando
Præmia cursu.


HVMANI GENERIS RENOVATIO.

*Huius flamma animū penetrans quē corripit ignis,
Aurum fit, viles exiit & cineres.*



CHRISTO REGI POTENTISS. DITISS. LIBERA-
LISS. HOMINVM DIFICATORI. S.

PH



In tabulam Petri de Christi numine perorantis.

ODE TRICOLOS TETRASTROPHOS. LXIX.

VIR ut minori praeiteat viro,
Virtutis & quid, quid sapientiae
Diuinus humano suorum
Spiritus ingenio reponat:
Ille & probauit, qui pauidus prius
Dignum magistrum laudibus, ac fide
Rogantis ad vocem puella,
Nosse hominem male pernegabat.
Vulgaris & qui consilij potens,
Caeloq; terrae commoda praefereñs,
Vitam daturum morte nostram
Stultus auct reuocare Iesum.
Postquam imbuentis munere spiritus
Mutatus, idem liquit inutiles
Curas, & accensus superno
Igne, noua nituit figura:
Fastus tumentes despicit, & minas;
Nec Christo iniquum concilium timet;
Turbamq;, sermonesq; vulgi
Temnit, & imperium superbum:
Praesens docere & dicere feruidus,
Christum efficaci numine compotem,
Magnisq; sublimem triumphis
Aethereas decorare sedes.
Vnde & sequaces nobilitet suos,
Auctosq; magnis artibus instruat
Miranda narrare, & stupendam
Reddere debilibus salutem.

CHRISTI VIRTUTIS SPECIM.

*Anne vides, quā magna valet, cui munere Christus
Obtigit immisso & sapere, & facere!*



CHRISTO IN PERPETVVM SALVTARI. S.

PH



In tabulam Saüli à Christo reuocati.

ODE DICOLOS DISTROPHOS. LXX.

QV AN QV AM seu a furens lupus
Rictus horrificos ac sitientia
Feruens pectora sanguinis,
Eruetq; minas & rabiem truce:
Quanquam proposito graui
Impulsus, pecoriq; & populo pio
Infandum meditans, paret
Cades, insidias, & trepidam fugam,
Actus stultitia & boni
Fallaci studij nomine percitus,
Cui dentes acuit truces
Vulgi, & mobilium gratia principum:
Mutatus tamen audit
Agni consilium, iussaq; mitia:
Sese & praeuit integrum
Propugnare greges, quos malè presserat:
Præco & nominis optimi,
Et qui signa sacra militiæ ferat
Iudæ ad progeniem feram,
Regesq; & populos & maris insulas.
Non illum retinet metus,
Non aut propositi cura tenax sui,
Mutati & studij pudor,
Postquam Nazaridæ iam monitis boni
Correptus melius sapit:
Cum præceps media succubuit via,
Mentemq; & rabiem malam,
Ac sese penitus deposuit grauem.
Tantum vertere praualet
Christi diua manus, duraq; mollibus
Mutans, fortia firmitus
Formare & melius pectora, si modò
Et veri & studiis boni
Incensus, cupias falsa relinquere.

CHRISTIANÆ SIMPLICIT. VICTORIA.

*Ambitio, vanum studium, zelusq; superbus
Exemplo hoc quicquid mundus habet, sileat.*



P.B. P.B.

CHRISTO VINDICI EFFICIENTISS. &c.

P H

In tabulam Iudicij .

ODE DICOLOS DISTROPHOS. LXXI.

CONSILIIIS stabilita Dei firmataq³ iustis ,
Dies paratur adferenda saculo ,
Exoptata piis , satis ac non credita prauis ,
Tremore pectus incussura perfidum :
Quam neque terribiles valeant superare tyranni ,
Cavere turba nec superba diuitum ;
Quamq³ animi laudent mites , despectaq³ mundo
Sibiq³ iuris usque corda conscia :
Expositura dies sortes mercedibus aquas ,
Modumq³ rebus additura gentium .
Hinc epulae semper dulces , & gaudia certa
Piis feruntur expetenda praemia .
Illinc aeternis subeunda incendia flammis ,
Nouusq³ semper additus malis dolor .
Hic letae superum voces , laudesq³ perennes ,
Choro beata concinente carmina .
Ast illic turpes gemitus , luctusq³ frequenteis
Sonat furente mixta turba Demone .
Hi fines rerumq³ vices , aut praemia diuæ
Manent salutis , aut perennis exiti .
Vel quos fas , pietasq³ iuuat , vel perfidus error
Virosque rege indicante calitum .
Vtram igitur placeat , nostrum est , contendere metam ,
Capax petatur , arcta seu magis via .

HYMANAR. RER. NECESSARIVS EXITVS.


*Qui timet hoc solium, felix : felicior illo est
Qui Christum regem, non metuit, sed amat.*



CHRISTO REGI BENIGNISS. VLTORIQ. IVSTISS.



PH



I V D I C I V M D. D O C T O R I S
Hunnæi Canonici Louaniensis Regij pro-
fessoris Theologi ex Collegio censorum Lo-
uaniensium.

H V N C septuaginta vnus Odarum librum
ab eruditissimo viro Bened. Aria Monta-
no Doctore Theologo & poëta laureato
decantatarum, vnà cum tota Monumen-
torum constructione diligenter perlectum
& examinatum, testor nihil habere quod
catholicum lectorem meritò offendat, sed
plurima quę conducere Lectori pio, eumq;
oblectare poterunt. Louanij Clō. Id. LXXI.
xvi. Kalend. Apriles.

Augustinus Hunnæus
Professor S.Th. Regius.

I V D I C I V M S I L V E S T R I
Pardi Theologiae Licentiati, Canonici Ant-
tvverpiensis ex Collegio Censurum Regia au-
thoritate & Episcopali electione Antvver-
piæ instituto:

Unâ cum Episcopi Collegij ipsius prae-
sidis confirmatione.

HÆC humanę salutis monumenta docta sunt
& pia, omnibusque, vt in vera religione
exerceatur, pernecessaria. quare utiliter im-
primi posse iudico. Datum Antvverpiæ
Kalendis Martiis. An. 1570. stylo Brab.

ſta testor Silueſter Pardo S.
Theologiae Licentiatus, Ca-
thedralis Ecclesiæ Antvver-
piensis Canonicus.

I D E M iudico & ego subscriptus,

Franciscus Sonnius Epi-
scopus Antvverpiensis.

CH

mirabili
 na. Eor
 man vi
 can. Ser
 ricem
 uboc vi
 us non
 xmi
 an illu
 niam
 na con
 D. Sc
 Aple
 rem p
 o. H
 num,
 a. H
 ubi
 xero p
 d. H
 ubi
 na ad
 ubi
 x. H
 d. H
 a. H
 a. H
 a. H

CHRISTOPHORVS PLANTI- NVS LECTORI S.



IMVLAC ea , quæ à nobis nuper excusa sunt, Humanæ salutis Monumenta, à Benedicto Aria Montano excelsi ingenij viro , non minus eleganti quàm docto Poëmate conscripta ad multorum doctissimorum & amplissimorum hominum manus peruenerunt, non potuerunt illi summam hominis doctrinam, rerum diuinarum cognitionem clarissimam, & grauissimum illud argumentum admirabili carminis suauitate, & dignitate tractatū summo opere non admirari. Eorum enim omniū, quæ vel ab ipso Adamo ad Christi D.N. postremum vsq; iudicium, in sacris libris ad nostram salutem necessaria habentur, seriem & summam, tanta certitudine & facilitate complectitur, vt à nemine ynquam tanto splendore ac doctrina, atque à præstantissimo hoc viro tractatam esse mihi suis verbis sint testati. Plerique tamen ex iis non potuerunt suum animi dolorem ita continere, quin eum quoque mihi patefacerent. Videbant quippe homines sapientissimi, fore, vt sancti illius argumenti tractatio, eaque non solū utilis & iucunda, verū etiam omni literatorum generi planè necessaria, propter rerum quæ in ea continentur, celsitudinem, non à quouis ita facilè intelligeretur: Doctum enim (aiebant) pium, & valde attentum, beneque in sacris libris & pietate exercitatum lectorem ea desiderat. Quod cum animaduertērem, nec possem, pro eo quo me esse sentio erga rem literariam propenso animo, studiosorum, atque etiam clarissimorum hominum, quos dixi, honestissimo desiderio non satisfacere; operæpretium me facturum existimaui, si vnus & septuaginta illarum odarum, quibus humanæ salutis mysteria elegantissimè descripta sunt, argumenta, & sensum breuibus aliquot annotationibus indicarem, & aliquo modo explicarem. Hanc verò prouinciam non ideo suscepi, quòd meo ingenio fretus aliquid à me præ cæteris præstari putem; sed quia non dubito quin plerisque in locis, qui multorum sententia difficultate carere non videntur, mentem ac sensum auctoris, quo quidem, pro ea qua præditus est morum facilitate, familiariter vtor, non sim assecutus. Hisce igitur laboribus, lector, frui: & si quid, quo tua studia promoueri possè existimes, hic à nobis præstitum esse cognoueris, Deo sapientissimo, ad cuius gloriam omnia sunt referenda, totam laudem & honorem tribue. Vale
Antuerpiæ, Calend. Augusti. c l o . I o . l x x i .

DVPLEX in hoc libro continetur monumentorum genus: VNVM est planè Architectonicū, constans picturis & imaginibus locorū, personarum ac rerum gestarum: hoc architectorum orationibus illustratur; quarum triplex in vniuersum ratio est; aut enim summum totius depictæ rei argumētum describitur, & ea doctrinæ pars, quam didascalicam vocant, vsurpatur; cuius generis orationes inscriptiones dicuntur: quibus vel virtus vel vitium illius imaginis contemplatione annotatur: aut personæ vel rei gestæ auctoritas indicatur, eaque per dedicationes exponi solet. aut vsus aliquis capiendus ex ipsius operis inspectione spectatori proponitur, idq; plerunque disticho aut monosticho, vel aliàs breui epigrammate expeditur. Totum autem hoc dicendi genus breue, graue, significantissimum atque antiquitatis plenum esse debet, neque cum poëtico, aut oratorio, aut comico, aut historico stylo conuenire: sed suis numeris & diffinitionibus, hoc est, architectonicis constare; aliàs ieiunum, & frigidum, languensque futurum. id quod nemo plenè assequi imitariue feliciter potest qui Architecturæ artis peritus non sit.

ALTERVM verò genus est Poëticum, quod non imaginibus, vt illud alterum, sed verbis rem omnem depingit, atque ea etiam spectanda legētium sensibus proponit & describit, quæ nullo picturæ artificio effingi possunt, vt sunt voces, orationes, animorum corporumque motus omnes, & cogitationum studiorumque formæ. Vtrunque hoc in libro ita ad amussim expressum est genus, vt obseruata pietatis & religionis sanctimonia ac dignitate, nihil desiderari possit, quod vel ad architectonicam grauitatem, vel ad poëticam elegantiam, & sententiarum ponderosam plenitudinem faciat. Hæc antequam explicationem aggredimur, admonitionis causa indicanda duximus.

TABV.

TABVLA II.

ARGVMENTVM.

Veræ sapientiæ rudimenta.] Chri-
stum Dei sapientiam Paulus appellat,
1. Cor. 1. 24. Idem etiam Gal. 3. 24. le-
gem antiquam, cuius minister Moses
fuit, pædagogū hominibus ad Christum
fuisse dicit.

Inscriptio.

Fideli ministro.] Mosi elogium
Dei responso pronuntiatum, Numer.
12. 7.

Ode II.

Mosi laudes canit, quæ ab ipso vsque
ortu Dei consilio delectum, variis per om-
nem ætatem amplitudinis testimoniis
ornatum, tandem libertatis ducem de-
claratum, & legislatorem summa au-
thoritate constitutum fuisse ait.

Nobilis hospes.] Iethro Madian
sacerdos, & vt Chaldaus paraphrastes
interpretatur, apud suos magistratum
summum gerens.

Præpotens herbis.] Aegyptiorum
sapientiam & detestabilem magiam di-
uina virtute per Mosē superatam in-
dicat, vltro confesſis Aegyptiis ipsis, &
quamuis inuitis, tamen ob pœnarum
sensum cedentibus, Exod. 8.

Numinis puræ.] Lex sancta est,
Deoq; grata; hominibus verò, dum pec-
cati impotentia imperat, propter male-
dictionem & damnationem horribilis
est, Rom. 7. & pluribus in locis.

Obstupen. clarus honore.] Glo-
riam & auctoritatem ex Dei colloquio

Mosi additam indicat, Exod. 34. 21.
2. Cor. 3. 7.

Tabulæ III. Argumentum.

Ambitio ærumnosa.] Prima co-
gitatio, qua parentes olim ad crimen
admittendum inducti sunt, gloria cupi-
ditas erat, vnde inobedientia nata, ex
qua scelus susceptum, hinc mors cum
miseriis omnibus consecuta. dehortatur
igitur ab ambitione tabella argumen-
tum.

Inscript.

Fraudis expoliatrix.] Non vir-
tute, sed fraude illa hominum ruina pa-
rata est, ab antiquo serpente mendacij
patre, quem ab initio mendacem fuisse
Christus docet, Iohan. 8. 24.

Ode III.

Grauiſſimorum dolorū, ærumnarum,
mortis, malorumq; omnium originē pri-
mam fœmina adſcribit, quæ à serpente
seducta, virum suum ad commune cri-
men pellexit. Causam verò fidei defe-
ctionem fuisse ait, quod vterque magis
serpentis fallacia, quàm diuinæ cautioni
& prædictioni crediderit. ostendit præ-
terea voluptatis nimium studium sti-
mulos etiam addidisse illis, ad suscipien-
dum crimen, sicut scriptum est: Vidit
igitur mulier, quod bonum esset lignum
ad vescendum, & pulchrum oculis, aspe-
ctusq; delectabile, 1. Tim. 2. 14.

Tab. IIII. Argum.

Consilium absconditum.] Vt ex

A 2

morte

morte vita oriretur, atque ex veteri in nouum Adam homines transformarentur, consilium fuit celatum à generationibus, & seculis, & noui testamenti tempore reuelatum sanctis, Colof. 1. 26.

Inscriptio.

Misericordiæ vindici.] Namque recõciliationis humana consilium ex misericordia Dei profectum est, Tit. 3. 4. 1. Iohan. 4. 10.

Ode IIII.

Indicat consilium Luciferi in negotio primi hominis à se perditum fuisse, non tantum humanum genus in suam tyrannidem redigere, sed etiam cum Deo de sapientia velle contendere. Hoc autem magnum mysterium est, quod ipse auctor aliàs plenius & apertius exponet. Huic vero Luciferi consilio diuinum oraculum opponitur, quo calliditatis illius commenta omnia superanda esse præcinnuntur, cum summa ipsius doli auctoris perturbatione, & stultitiæ redargutione ac perniciæ.

Tab. v. Argum.

Fœdus instauratum.] Nam quæ de misericordia erga homines Deus proposuerat, antiquus serpens turbare & irrita reddi curauerat, auctis in vniuersum hominum flagitiis, & mundo ad vastitatem ex diuini iudicii sententiæ addicto: sed vt propositum Dei maneret, fœdus cum Noe rursum est renouatum, vt exponitur Gen. 9. 9.

Inscriptio.

Misericordiæ memori.] Dicatur Tabula Deo, qui cum iratus fuerit, misericordiæ recordatur, Habac. 3. 4.

Ode v.

Poetica elegantia describit orbis instaurationem, ex misericordia Dei iram remittentis, & de æterna ac temporali humani generis salute cogitantis: ostendit piorum sacrificia Deo gratissima esse. Demonstrat quantam orbi calamitatem hominum peccata asserant, quantam Dei misericordia rursus salutem.

Renouata certis cursibus, &c.]

Namque tempora omnia diluuij vna tempestatis facies nimirum informis hiems & nox tenebat, quam diuina providentia in quatuor anni commodissima tempora conuertit. sicut scriptum est: Cunctis diebus terra, sementis & messis, frigus & æstus, æstas & hiems, nox & dies non requiescent, Gen. 8. 22. atque hac ætas iuxta rationem Noe diuinitus præscriptam, ad Abraham vsque ætatem pertinet.

Tabul. vi. Argum.

Obedientiæ constans.] Vera obedientiæ exemplum Abraham proponitur, qui fide instructus nihil omnino laborum detrectauit, in mandatis Dei quamuis difficillimis faceffendis. De hoc argum. lege Iacobi Apostoli epist. c. 2.

Inscriptio.

Fidei ductrici.] Quidquid ex fide suscipitur, rectum est, & fallere non potest, pium susipientis animum: adest enim Deus fidei virtuti sibi gratissimæ, quam nunquam deserit, quā nusquam nõ ad optimū exitum perducit, modò fides ipsa viuā sit, qualis in carmine describitur. Huius inscriptionis sententiā latè disputatur à Paulo Heb. 10.

Ode vi.

Ode VI.

Quem tu diua fides virum.] Fidem viuam non esse otiosam ostendit, sed obedientia rationibus & negotiis perpetuò deditam, neque tantum opera vulgaria prestantem, sed plane heroica, vel diuina potius gesta suscipientem, atque adeo in omni tum rectè faciendi, tum dura & difficilia tolerandi materia, aut exercitatisimam, aut exerceri paratissimam. Est elegans ode, plena argumentis in sacra scriptura obseruatis: alludit ad multas historias diuinorum librorum. lege Hebr. 10.

Superum viribus æmula.] Mira, sed verissima amplificatio, quando videmus Iacob fide instructum angeli coluctantis vim sustinuisse, ac tandem superasse, dicentis: Dimitte me, quia ascendit aurora, Genes. 32. 26. Sunt & alia exempla longè etiam hoc illustriora.

Tabul. VII. Argum.

Fidei testimonium grauius.] Crementis fidem viuam opera testantur, aliqui mortuam arguit fides, nisi per dilectionem operetur. Ostende, inquit Iacobus, fidem tuam sine operibus, & ego tibi ostendam ex operibus fidem meam, Iacob. 2. 18. itaque opera fidei testimonium à Paulo vocantur, Hebr. 11. 39. Atqui maximè erga fidem periculi facti exemplum in Abraham scriptura statuit, iussu filium sacrificare, & rem tãtam indubitanter facessente. Ideo grauiissimum testimonium hic appellatur, Gen. 22.

Inscriptio.

Prouidentia confultrici .S.

Deus enim obtèperantibus sibi opportunissimè prouidet, quanquam maximis rerum difficultatibus illi, dum obediunt, implicentur. Ita persuaferat sibi Abraham, cum filio de victima roganti respondit, Dominus prouidebit sibi victimam, fili mi. Lege de hac re Psalmum 90. Qui habitat in adiutorio Altissimi.

Ode VII.

Plurimas difficultates commemorat, & grauiissimas, quas Abraham fides tentata peruenit, illud vnū secum statuens, obediendum esse Deo per omnia, rerumque exitus illi esse permittendos, qui optimos semper efficere solet. Lege de hac re Psal. 45. Deus noster refugium. Cuius sententiam omnem poëta hoc loco refert. Hoc tempore pactum salutis cum Abrahamo est confirmatum, cuius argumentum Iacob per quietem postea cognouit, vt in sequenti tabula indicatur.

Tabul. VIII. Argum.

Humana diuinitas.] Videns Iacob mysterium ecclesiæ, in qua habitaturus erat Deus trinus & vnus, Verè, inquit, terribilis est locus iste, & non est nisi domus Dei, & porta cali. Cum autem Deus in hominibus inhabitat, homines ipsos deificat. Videte, inquit Iohannes, qualem charitatem dedit nobis pater, vt filij Dei nominemur & simus, 1. Iohan. 3. 1.

Inscriptio.

Dei philanthropiæ.] Tantam di-

gnitatem deificationis nostræ diuino erga homines amorī acceptam referendā esse indicat. In hoc est charitas, inquit Iohannes, non quasi nos dilexerimus Deum, sed quoniam ipse prior dilexit nos, 1. Iohan. 4. 10.

Argum. Odæ VIII.

Omnium promissorum, quæ olim patribus facta fuerant, de serpentis capite conterendo, de benedictione familiarum terræ in semine Abrahæ, summā quandam iam speciali quodam modo relata, in illa ostensa Iacobo imagine indicatam fuisse ait. Quandoquidem omnia illud continebant arcanum, Deum, diaboli deleta tyrannide, in hominibus, ut in propria sibi quæ sanctificata domo, regnaturum, magnāque futuram esse spirituum celestium, & hominum amicitiam, & familiaritatem. Est hoc magnæ significationis mysterium, de quo pœta aliās plenius soluta oratione differet. Adeo autē excellentis argumenti est, ut calum vsq; ad ipsum Dei thronum penetret; quamobrem elegantī figura in ipso amplificationis incremento Ode ipsa finem sibi præscripsit.

Tabulæ IX. Argum.

Fides morti insuperabilis.] Adeo firmus & constans fuit Iacob in diuinis promissionibus integra fide excipiens, ut nō modo ipsa maxima promissa, quæ ad vitam & salutem pertinebant, sed horum promissorum figuras, nempe terræ Chananeorum possidenda pollicitationes, quanquam moribundus, iam tamen constanter tenuerit, & alonge, ut Paulus ait, salutauerit, filiisque suis,

ut certissimas non modò expectandas tradiderit, sed ipse etiam regionum & munerum partitione facta, testamento possidendas reliquerit. Est enim fides sperandarum substantia rerum, argumentum non apparentium, Hebr. 11.

Inscriptio.

Deo sapienti doctori.] Futurarum rerum certa cognitio Deo propria est, neque quisquā, nisi à Deo doctus, quid cuique sit futurum, certis rationibus præscriptum prædicere potest. Id probatur in Iacob, qui iam ferme moriens, singulis filiis suis ad lectum vocatis, certissimas sortes præcinnuit, à Deo, cui crediderat, edoctus. Sic enim illi præfatus est: Congregamini, & audite filij Iacob, audite Israël patrem vestrū. id est, eum cui virtutem & potentiam Deus concessit, audite, Gen. 49. 2. Lege de hoc argumento secundum caput lib. Danielis.

Argument. Od. IX.

Canit quemadmodum Iacob in diuinorum promissorum fide decedens, futuras posteritatis suæ res perinde cognouerit, cognitasque filiis suis prædicens enarrauerit, ac si ipse iam præsens illarum spectator esset, eiusq; fidei & expectationis heredes reliquerit filios suos, adeo sibi certæ & constantis, ut ob eam rem suum defuncti vita corpus in Chananeam regionem sepultura causa deferri mandauerit: eo modo posteritatem suam præcessurus, atque corpore & ossibus compositis possessionem etiam temporalem illam conseruaturus, & spirituales animo cum patribus suis verasante expectaturus.

Tabu-

Tabulæ x. Argum.

Tyrannis misericordiæ concedens.] Cogitabat Aegyptius tyrannus Israelitas perdere, quos Deus ad misericordiæ ostendendæ exemplum comparabat. non potuit tyrannis infringere Dei propositum; immo ipsa ultro insciens, misericordiæ illius ministram se præbuit, infante Mose educando, cuius opera salus illa & libertas Israelitis est allata, cum summa hostium & tyrannorum pernicie, Hebr. cap. 10. & 11.

Inscriptio.

Prouidentia victrici.] Non potest humana prudentia, quantumvis excogitatis consiliis, diuinæ prouidentia instituta impedire. Dixerant Aegyptij aduersus Israelis populum: Venite, & sapienter opprimamus eum: sed stultam fecit Deus mundi sapientiam, 1. Cor. 1. 20.

Argum. Od. x.

Ostendit nullis consilijs, nullis opibus, nulla denique facultate humana posse diuino consilio obfisti, cui non modo hominum eadem imbecillitas & inscitia cedat, sed natura rerum hominibus insuperabiles ultro administra obsecundent. Poeticè autem omnem rem describit, docens Chamesis sobolis, id est, Aegyptiorum voluntatem & conatum fuisse, omnes infantes Israelitarum aquis summersos perdere, atque ita genus illud delere; tamen Deum effecisse, ut ipsi ultro ex medijs aquis ignem eruciant, hoc est, Mosè, qui seipsum suasque res omnes tandem esset absumpturus. atque huic rei administratos sese præbuisse Ni-

lum fluuium, & Nili pisces, alias monstrosos & feros, qui infanti, quominus noceretur, prospexisse videntur.

Tabul. xi. Argum.

Optio incomparabilis.] Optauit Moses magis affligi cum populo Dei, quam temporalis gaudij habere iucunditatem: sententia est D. Pauli Apostoli Hebr. c. 11. vers. 25.

Dedicatio.

Sapientia illuminatrici.] Significabat apertè Deus Israelitis tempus salutis appropinquare, cum viderent summum virum, & regi Aegyptio gratum Mosè, vindicem iniuriæ, in sua gentis hominè illatæ, aduersus Aegyptium sese præbere: sed illi hanc Dei significationem noluerunt intelligere, ut S. Stephanus protomartyr docet, Act. 7. vers. 25.

Odæ xi. Argum.

Diuinum erga hominum salutem consilium certum constansque esse, & sapientissimè procedere ostendit: sed stultitia & culpa hominum ipsorum, de quorum salute agitur, aliquando retardari aut impediri. Huius rei exemplum statuitur in Mosè, qui promissa Israelitis salutis ministerium iam meditari inceperat, cum, relicta illa ambitiosa aulici splendoris conditione, qua ille apud Aegyptios valebat, omnem cogitati sibi de fratrum salute negotij euentum, animo constanti præsumsum, experiri statuit; & tandem ingratis ab eis, quibus bene consulebat, exceptus, in exilium voluntarium, adhuc in eodem permanens proposito, profectus est; humaniusque est ab alienis hospes quam à suis fuerat vindex susceptus.

ceptus simul etiam ostendit providentiam Dei ibi presentissimam esse, ubi pij viri pietatis colenda causa durius & angustius agere hominibus putantur. In hac Ode illud tetrastichon est difficilius intellectu. Illius vires & studium efficax, &c. sententia est: Illum Israelitam, qui ereptus fuerat per Moysen à manibus Aegyptij, dixisse alius Israelitis quo animo erga se vindicandum, quo robore esset is quem illi non perinde atque oportuerat, exceperunt.

Tabul. xii. Argum.

Diuinæ virtutis specimen.] Ignis ille quem Moses vidit, cuius vi rubus ardens non vrebatur, diuinæ virtutis specimen quoddam & velut typum fuisse ait. Fœt enim diuinæ virtutis pios, modestos atque se aduenientem excipientes, eosdemq; calore efficientia sua animat, sanctosque reddit, & à vulgari & prophana consuetudine remotos, ut illo igne totus locus olim calefactus sanctus dictus est. Idem verò ignis superbos & contumaces, atque sceleratos vi sua exurens consumit: alteram vim Israelitæ ex Aegypto educti, alteram Aegyptij illorum hostes experti sunt.

Dedicatio.

Misericordiæ memori.] Nunquā enim Deus proposita à se, & promissa misericordiæ obliuiscitur, sed oportuno tempore ipsis rebus efficiendis ac præstandis recordatur. Quamobrem frequens mentio in scripturis est misericordiæ memoris, ut apud Habac. cap. i. vers. 3. & quod Mater illa veritatis cauebat: Suscepit Israel puerum suum, recordatus misericordiæ suæ.

Ode xii. Argum.

Inducto colloquio cum Mose velut Angeli alloquentis indicat, diuinæ misericordiæ mysteria maximè quæ ad salutem hominum pertinent, maiora esse quàm ut humana sapientia absque Dei ipsius doctrina assequi possit. Illa enim cum ex singulari & arcano Dei consilio profisciscantur, Deum doctorem sui postulant, qui tamen facilis & benignus contingat ijs, qui fide, charitate, modestia, & ceteris opportunis virtutibus probatos se discipulos præbeant.

Tabul. xiii. Argum.

Euangelij exemplum.] Quod qui audierunt, credentesq; secuti sunt obedientia adhibita, ex antiqui hostis tyrannide liberati sunt. Hæc enim ex Aegypto libertas, illius spiritualis salutis figura fuit.

Dedicatio.

Verbo efficaci.] Diuini verbi virtus in credentium & obedientium salutem, & rursus in aduersariorum perniciem, satis apertè declarat liberatio ex Aegypto.

Ode xiii. Argum.

Pulcherrimæ exhortationis figura ostendit Ode publicam & communem totius Israelitici populi libertatem è miserrima seruitutis conditione, non solum autem libertatem, sed multarum diuitiarum ab hostibus, verbo Dei victis & expoliatis, abductarum facultatem: simul gratulatur illis nouæ ac incundioris vitæ vsum, adscribens omnia hæc beneficia diuinæ misericordiæ.

Tabulæ xiiii Argum.

Arcanæ salutis argumentum.]

• Illu-

Illustris illa salus Israelitis olim facta humana salutis mysteria & symbola omnibus suis partibus continebat. Omnia enim, vt Apostolus ait, in figura continebant illis, 1. Cor. 10. 6.

Dedicatio.

Deo victori.] Fuit enim illud bellum Deo duce gestum aduersus Satanam, eiusq; milites Aegyptios, per magnos illos ministros, virtutes Dei, mare, ventos, noctem, nubes, lucem & tenebras. Sicut Moses dixerat: Dominus Deus vester pugnabit pro vobis, & vos tacebitis, Exod. 14. 14.

Od. XIII. Argum.

Eiusdem sententiæ cum dedicatione est hymnus hic, significat omnem naturam creatam ministrare se præbere Deo, tum ad pios inuadendos & seruandos, tum ad impios vlciscendos & perdendos.

Tab. xv. Argumentum.

Humanæ infirmitudinis examen.] Lex per Moysen lata, sancta quidem illa, & spiritalis, quæ virtutis & pietatis cultum ostenderet & exigeret, sed quia non erat scripta in cordibus hominum, nisi in tabulis tantum, accusabat quidem conscientias, & exercebat eas ad pietatem, non tamen perficiebat: imo magis ostendebat humanam infirmitatem ex naturæ antiquo lapsu natam: indicabat autem ex consequenti Christum expectandum, qui quod impossibile erat legi, in suorum animis efficeret. Est hoc grauissimum, & magni momenti argumentum: de quo plurima & admiranda disputatio in totis noui testamenti libris est. Lege cap. 8. Epist. ad Rom.

Dedicatio.

Deo, puro, sancto, terribili.] Hac omnia ipsa lex lata, & apparatus ille ignis, caliginis, fumi, tubæ sonitus & vocis è caelo audita, deinde motus populo factus declarauere. Lege Epist. ad Heb. cap. 12.

Odæ xv. Argum.

Magnum beneficium à Deo in homines collatum canit, quod in tanta iam tenebrarum caligine, & naturalis legis obliuione sese Deus ad colloquium cum hominibus ineundum demittens, voluntatem suam lege lata declarauerit, & æqui iusti, pietatisq; rationes sanctissimas exposuerit. Idq; magno apparatu & præsentiam suam testante effecit. In fine autem Odæ dicitur illam legem interim integre colendam fuisse, quoad spiritus sanctus, Christo salutis potifice, in corda hominum missus legis optimam obseruationem imperaret, faciliemque redderet semotis illis caremoniis, quæ in illa lege velut umbra futura veritatis continebantur.

In Tab. xv. Argum.

Constantiæ fructus.] Non hesitandum in Dei promissis, sed summa constantia expectandum esse euentum, docet hæc tabula. Ex magna enim illa hominum multitudine, qui ex Aegypto deducti fuerant, illi tantum promissam terram ingressi sunt, qui vel constantes initio fuerant, vt Iosue & Caleb; aut qui postea incredulitatis expertes, totos quadraginta annos perdurauere. Quæ de re primum & secundum caput Deuteronomij plene differit: & D. Paulus ad Hebr. cap. 3.

Dedicatio.

Fideli Deo.] Impossibile enim est Deo mentiri, aut promissis deesse suis, nisi illi, quibus facta sunt, sibi ipsis desint, Hebr. c. 2. vers. 2.

Odæ xv i. Argum.

Docet, non timidis, otiosis, pigris & incredulus, atque laborum detrectatoribus diuinorum promissorum euentum vsûmque contingere, sed iis qui fide & charitate innixi propositum sibi studiû fortiter percurrunt, summa spe reportandi præmij concepta, ex diuinis sermonibus efficacissimis ad animos fideli addendos, quibus omnis difficultas frangatur & superetur. Significat præterea diuinorum beneficiorum, quæ promissionibus continentur, tantam esse dignitatem, amplitudinem, & iucunditatem, vt eos, quibus contigerit, nullius anteacti laboris pœniteat. Exornatur carmen illo miraculo Iordanis fluminis, qui aditum aperuit Israelitis, terram promissam adeuntibus.

Tab. xv i i. Argument.

Pœna matura grauissima.] Deus gentes illas, diutissimè expectatas ad pœnitentiam, tandem rebelles & contumaces grauissimè puniuit, dilato supplicio per quadringentos & amplius annos, donec vel eorum scelera, quæ per pœnitentiam non expiabantur, per contumaciam & asiduitatem compleverentur. Fuit prima Iericho huius diuini iudicij tunc testis, quæ omnis corruit & arsit, omnisque cum suis rebus anathemate est damnata.

Dedicatio.

Deo vltori.] Qui non tardat promissa sua, sed patienter agit, nolens aliquos perire, sed omnes ad pœnitentiam reuerti. Contumacibus autem & proteruis, suamque malitiam mordicus tenentibus, tandem iudicem vltoremque se præbet. lege Epistolam Iacobi Apostoli cap. 2. vers. 13.

Odæ xv i i. Argum.

Confirmat, nihil valere humana consilia, aut præsidia, quamuis maxima & operosissima, aduersus Dei iudicij & vltoris sententiam & virtutem, quandoquidem sine vlllo humano negotio aut labore, nisi tantum sola Dei voluntate, vel maxima hominum opera ad regnorum potentiam tuendam comparata, subito euertatur & corruant, vt in Iericho vrbis munitissima muris sponte ante Dei populum corruentibus. est manifestum: qui populus nullam aliam artem ad expugnandum adhibuit, nisi fidem cum obedientia præscripti sibi ambitus vrbis per septem dies, & sonitum tubarum & clamorum victoria, Hebr. cap. 11. vers. 30.

Tabul. x i x. Argum.

Perseuerantiæ exitus.] Non enim qui incipit, hic saluus erit, sed qui perseuerauerit vsque in finem. Neque palmam coronamque refert, nisi qui legitime certarit. qui diuinus in promissis hesitarunt, à terra possessione exclusi sunt. qui verò sese Deo permittentes totos crediderunt, & laborum temporumque molestiam, & impediendi hostium difficultates pertulerunt: hi terræ

Israe-

Israelitica diuidenda compotes fuerunt,
Matth.10.22. 2.Tim.2.5.

Dedicatio.

Deo veraci potenti.] *Quidquid*
Deus ex misericordia promittit, re ipsa
suo tempore præstat, nullis omnino dif-
ficultatibus impeditus. Quamobrem
misericordia & veritas frequentissime
Deo adscribitur, Psalm.24.10. Isaia
55.vers.10.

Ode x i x. Argum.

Ostendit, hominum opes & diui-
tias, per iniuriam & auaritiam partas
vnâ cum dominis suis perire, idq; tan-
tum prodesse, vt hostibus à Deo vindice
missis maioris prædæ materiam suppe-
ditent. cuius rei exemplum in illa expu-
gnatione gentium, tanta cum festina-
tione facta, ostenditur, quorum domus
multis diuitiis referta, & agri cultis-
simi Israelitis in vsum cesserunt, ad-
mirantibus diuinorum promissorum præ-
stantiam & constantiam, & damnan-
tibus patrum suorum incredulitatem,
qui tantis rebus & diuinâ prouiden-
tiæ beneficiis sua sese culpa priua-
uerant.

Tabulæ x x. Argu- mentum.

Expectatæ expiationis vmbra.]
Significat tabula sacerdotia antiqua,
cum sacrificiis, quæ inquinatos ad e-
mundationem carnis (vt Diuus Pau-
lus ait) sanctificabant, non sua natu-
ra, sed expectati Christi sacrificij vir-
tute, & significatione valuisse: quam
virtutem, velut vmbra corpus, vel lu-

cem referebat totus ille sacrorum ri-
tus, postea præsentiam lumine ipso
Christi abolendus. Hoc argumentum
per totam Epistolam ad Hebræos mul-
tis & grauibz verbis disseritur.

Dedicatio.

Deo clementi placando. S.]

Magnum beneficium in illa sacrorum
rituum veteri institutione hominibus
à Deo exhibitum significat; qui quam-
uis illis antiquis sacrificiis nunquā pla-
catus est propter ipsorum imbecillitatem
ad destruendum peccati corpus minime
idoneam: tamen præter externas quo-
tidianorum errorum expiationes, spem
etiam illa sui repetitione faciebant,
fore aliquando, vt Deus omnino pla-
caretur, admota illa victima, cuius
infinita virtute omnis ille antiquus cul-
tus esset consummandus. Ideoque an-
tiqui nunquam cessabant offerre, per
singulos dies, ex diuino instituto: quod
apertè indicabat, Deum esse clemen-
tem, & tandem finem iræ suæ, & illis
veteribus laboribus positurum. Alioqui,
inquit Paulus, cessassent offerre, Hebr.
cap.10.vers.2.

Ode x x.

Argumentum.

Describit canens, quantum curæ
Deus adhibuerit Israelitica vinea col-
enda & promouenda, missis variis co-
lonis, prophetis, iudicibus, regibus, &
ducibus, quorum singuli suo munere di-
ligenter functi sunt: multi etiam colen-
dæ vinea causa extrema pericula sub-
iere. cæteris autem laboribus cunctis
diuturnior & assidua magis dicitur
fuisse sacrificiorum cura, quibus po-
puli peccata expiabantur, & humani
animi

animi infirmitas & miseria declarabatur, cum professione expectati Messia, qui summus salutis Pontifex futurus erat. Quem vates entusiasmo raptus (ac si illo tempore antiquo carmen componeret) cupit quā maturrinē venire.

Tab. xxi. Argum.

Pœnitentiæ utilitas.] Propositum Davidis exemplum, quantum vera & ex animi incenso studio suscepta pœnitentia impetrare apud Deum possit, apertè ostendit.

Argum. Dedicationis.

Dei benignitati.] Misericordiam quoque & benignitatem diuinam erga eos, qui concepta clementiâ spe ipsum recta pœnitentia placare student, Davidis exemplo obseruare licet: cui illud etiam ad amplificationem accedit, quod Deus ipse sponte hominem lapsum suæ ruinæ monet, & ad salutem petendam aduocat.

Od. xxi. Argum.

Docet humana malitia, simulatione, & calliditate homines fortasse alios falli posse; Deum verò nunquam falli, qui prudenti consilio vel tergiuersatum peccatorem sua ipsius rogata sententia redarguit, & conuincit, ut in parabola Davidi à Nathan proposita ostenditur. Deinde ait, optimum & felicissimū esse, à peccato abstinere omni cura & diligentia; sed si quis ex imbecillitate in peccatum labatur, proximum felicitatis gradum esse, per pœnitentiam placato Deo restitui in gratiam: ut Diuus Iohannes docet, 1. Iohan. 2. 1. unde à Theologis Pœnitentiæ secunda tabula

post naufragium rectè appellatur.

Antiquorum scriptorum tabulæ.

Argum. Tabul. xxi.

Simplicitas mundo fastidita.] Nihil est quod magis deceat pios homines, & populum Dei, quàm integra in rebus agendis, atque adeo in vita omni simplicitas, qualem Samuel in munere iudicis & propheta atque consulis maximi obeundo seruauit. Sed hanc virtutem mundus superbiæ & fastus amator fastidit, & repellit, regesque sibi & regium fastum optat; quæ tamen non sine inagno sumptu & labore, atque adeo seruitutis & tyrannidis periculo suscipit.

Argum. Dedicationis.

Optimo Reipub. ministro.] Fuit enim Samuel innocentissimi & integerrimi, atque etiam diligentissimi præsidis exemplum.

Od. xxi. Argum.

In genere demonstratio compositionum carmen ostendit Samuelem, & integerrimum & facillimum populis iudicem fuisse, qui nullam omnino exceptionem, etiam à vulgo cui fastiditus est, tulerit. fuisse etiam ducem felicissimum, qui Palestinos hostes voto & precibus apud Deum fufus vicerit. Denum eum sacrarum historiarum sui temporis scriptorem agnoscit.

Argument. Tabul. xxi. de Nathan.

Consiliorum integritas.] Is profectò optimè consulere potest, qui nec metu, nec odio, nec gratia à veritatis

& decori studio abducitur : huiusmodi consultus integerrimus Nathan tei n-pore Davidis fuit; qui ob eam rem in dedicatione Honesti doctor gravissimus appellatur.

Ode xxiii. Argum.

Beatam esse aetatem canit, in qua publicarum rerum præfecti pietatem, innocentiam, & integritatem studiose colant : sed quoniam potentia ipsa humana homines aliquando dementatos ad licentiam traducit, ait regibus & præfectis optandum curandumque esse, ut sapientes amicos consultosque habeant, à quibus nec propter gratiam corrumpantur, nec propter agrestem asperitatem, atque importunam libertatem exacerbentur. Cuiusmodi multi consulti esse solent. Vtriusque verò rei rectè instituenda exemplum in Davide & Nathan statuit; quorum alter optimus rex fuerat, sed tamen qui ut homo graviter corruit; alter optimus & integerrimus consilij minister, qui divinam veritatem liberè & prudenter docuit. Fuit etiam Nathan suorum temporum scriptor.

Argum. Tab. xxiiii.

Divinæ veritatis argumentum.] Cōtemplator Davidem ex puero quondam pastore ovium, deinde propter invidiam à Saule rege primum exagitatum, atque omni fere populo inuisum, postea à principibus gentis suæ à familiaribus, atque adeo à propriis filiis vexatum, & tamen omnia tolerantem spe & fide verbi à Deo excepti, demum in regium thronum cum summa tran-

quillitate & gloria deductum, in habitu regio carminibus divinisque laudibus vacantem: atque hoc satis validum tibi exemplum fuerit divina virtutis, & efficientiæ erga eos, qui verbis ac promissis Dei credentes iussis obediunt.

Argumentum dedicationis.

Regi fortissimo, integerrimo, pientissimo, vati facundiss. P.] Davidis regis historia, optimum exemplum fortitudinis in bellicis rebus, pietatis & integritatis in religione colenda, & repub. administranda proponit: & ab eodem conscripti Psalmi summam sapientiæ, eloquentiæ, & decoris referunt laudem.

Ode xxv. Argum.

Laudes Davidis decantat Ode, quem patientissimum iniuriarum, & magni tolerandis rebus adversis animi fuisse dicit, ultionis minimè cupidum, ad ignoscendum propensum : constantissima erga divinum verbum fidei, in bello fortissimum, atque à pueritia vincendis periculis & laboribus exercitatum : egregium scriptorem & expostorem divina legis : Sacrorum rituum & ordinum instauratorem : Demum divinorum & efficacissimorum psalmorum auctorem.

Argumentum Tabulæ xxv. de Salomone.

Humanæ sortis mensura gemina.] Omnium rerum, quæ in orbe expetuntur, summa in Salomone continetur, videlicet, sapientiæ, divitiæ, opes, potentia, gloria, & voluptas. Atque in eodem

eodem etiam statutum est exemplum magni casus, in quem deueniunt, qui à timore Dei recesserint.

Argum. Dedicationis.

Principi sapientissimo, vitæ mortalis magistro.] Non modò sapientia & eruditione, sed propria etiam experientia auctus Salomon libros scripsit, quibus omnis humana vitæ & recta & peruersa ratio continetur.

Odæ xxv. Argum.

Laudatur Salomonis regnum, sapientia, diuitiis, & rerum omnium cognitione, præter cetera vel priora, vel posteriora exempla, præstantissimè felix; tamen illa exceptione imminutum, quod ob scæminarum amorem admissio vanorum deorum cultu fuerit obscuratum: & tandem nihil præstantius in vita esse, quam Dei timor, probatur.

Argum. Tab. xxvi.
de Isaia.

Pietatis indefessum studium.] Huius rei exemplum in Isaia statuitur egregium, qui creditum sibi prophetici munus summa fide, magna pietatis & publicæ salutis cura, usque ad mortem diligentissimè gessit. Ille suorum temporum scripsit historiam, hoc est, partem librorum Regum.

Argumentum dedicationis.

Diuiinarum rerum indici admirabili.] Nam nullus antiquorum prophetarum de diuinis rebus, de humana salutis ratione arcana, de Christo, de omni denique Euangelio plenius & significantius scripsit quam Isaias.

Odæ

Odæ xxvi. Argum.

Continet Ode breuem summam rerum in Isaia libro scriptarum, laudæque ipsius prophætæ, à genere, à muneris auctoritate, & actionum dignitate, ab Euangelij significatione apertissima, à diuina prorsus eloquentia: demum à constantia pro diuina veritate supplicij genere grauissimo perferendo.

Argument. Tabulæ xxvi.
de Hieremia.

Honestæ indolis decursus integer.] Hieremias à Deo ad propheticum munus antè electus quam natus, religiose educatus, magnum fortitudinis & strenuitatis exemplum, omni vitæ & muneris sui parte exhibuit. Id quod in dedicatione etiam significatur.

Dedicatio.

Legato strenuo, forti, & infrecto.] Namque & diligenter & strenuè creditum sibi propheta munus gessit, nullis vel minis, vel laboribus, vel regum & populorum inuidiis perturbatus.

Od. xxvi. Argum.

Quantum possit tenax animi propositum cum fide coniunctum, & facere & ferre ac vincere, ostendit Ode laudibus Hieremiæ vatis decantandis. Deinde ostendit virtuti, quamuis à propriis ciuibus repulsæ, suum locum tamen, ex Dei prouidentia, honestissimum apud hostes esse.

Argum. Tabul. xxvii.

In tempestate subsidium.] Captiuis Iudæ filiis tamen diuino beneficio Daniel

Daniel interest, qui prophetia munus
vtilissimum ad salutis spem magna au-
toritate tueatur.

Dedicationis Argum.

Vati fortiss. temperantiss. exer-
citatiss.] In ferendis aduersis rebus for-
tissimus fuit Daniel, qui captiuus mul-
torum principum virorum inuidia, vs-
que ad varia mortis pericula, laborauit.
Quantum à viriis & voluptatibus idem
abstinuerit, historia declarat: exerci-
tatissimus autem in publicis rebus præ-
cipue ad pietatem pertinentibus fuit.

Ode xxviii. Argum.

Docet hac Ode circa finem ferè an-
tiquorum temporum, cum minus fre-
quens prophetia munus esset, extitisse
Danielem, qui prateritarum, præsen-
tium & futurarum in orbe rerum se-
riem exponeret, eundemque verorum
somnia interpretem, magnum &
certum fuisse significat, & visionum ex-
plicatorem admirabilem: cuius senten-
tias omnes & euentus ipse probauit,
& scripta etiam sancta veraque esse
Christus confirmauit.

Argument. Tab. xxx.

Prouidentia instauratrix.] Nihil
eorum, quæ diuina prouidentia insti-
tuit, imperfectum manet, quauis ma-
gna difficultate impeditum, aut inter-
ruptum putetur. Res Iudeorum detri-
tas & profligatas Deus, excitato Esdra,
restituit: vt tandem in Iudæa locus pa-
raretur Messia, salutis auctori prope-
diem venturo.

Dedicatio.

Scribæ sapientiss. patri patriæ.]

Namq; Esdras religionibus, rebus cura-
tis, legibus sacris instauratis, moribus
emendatis, populoque per pœnitentiam
expiato, diuinam clementiam erga suos
mouit, & gratiam reconciliauit.

Od. xxxi. Argum.

Laudes Esdræ decantat Ode, quem
gratia apud Barbaros populos, & re-
ges illustrem fuisse dicit, ex diuino vi-
delicet beneficio. eundem genere sacer-
dotali, & munere scribæ præclarū præ-
dicat, atque officio erga Deum, & pa-
triam, gentemque suam faciendo insi-
gnem: cuius tempore atque aded præsi-
dio, & opera, Iudæi in patriam restituti,
templum denuo constructum, sacra
procurata, mores publice ac priuatè
correcti fuerint. Atq; hætenus de anti-
quorum seculorum scriptoribus, & de
omni veteris testamenti serie est actum.

Sequitur sacrosancti Euangelij se-
ries ab initio instituta, quæ qua-
tuor scriptoribus grauissimis à
Spiritu sancto credita est, conte-
xenda.

Tabul. xxx. Argument.

Diuina vocatio.] Efficacissima est
in iis qui obtemperant, quos neque pau-
peries, nec mors, nec vincula terrent.
Huius rei exemplum est Matthæus pu-
blicanus, qui & Leui.

Dedicatio.

Euangelij testi fidelissimo.]
Non solum oculatus testis fuit Mat-
thæus, sed qui testimonium Dei in se
habuit, & proprio etiam experimento
reddidit.

Ode

Oda xxx. Argum.

Doctè & eleganter describit publicanorum, & eorum qui diuitiis comparandis inhiât, cupiditatem & studium. Postea comparatione mutationis magnæ ostendit, quàm efficax sit Christi vocatio, & quemadmodum apud Deum facile sit, diuitem à diuitiarum cura reuocatum, ad earundem contemtionem, & potiore diuitiarum amorem traducere.

Argument. Tab. xxx i.
de D. Marco.

Sapientiæ compendium.] Breuius chartis Christiana virtutis, & totius Euangelij summam complexus est Marcus, ea tantum ex tota historia con texens, quæ salutis humana consequentes rationes spectarent. Huc etiam pertinent, quæ in dedicatione leguntur.

Ode xxx i. Argum.

Deberi Marco laudes ait, quas Alexandria excipiens celebret, cui ille, à Petro relictus, Episcopus præfuit, & quas etiâ omnis orbis cõmemoret. Laudum autem argumenta indicat, quòd Christianam disciplinam multis laboribus colendam, libenter Marcus suscepit, quòd Petro comitem sese præbuerit, quòd creditam sibi Aegypti ecclesiâ optimè fuerit moderatus, quòd Euangelium scripserit breue, sed perspicuum, incipiens ab ipso Euangelij initio, hoc est, à Baptismo Iohannis.

Argument. Tab. xxx i i.
de D. Luca.

Lux expedita.] Quæ alij Euangelista breuiter & magna significatione

scripsere, Lucas principio altius repetito exposuit, ita vt ipse aliorum contestis, & commentator sit. Quamobrem illo titulo dignissimè insignitur, quem dedicatio addit: Veritatis exppositori diserto.

Oda xxx i i. Argum.

Lucam ex magno physico medico, in optimi medicina generis professorem euasisse, Ode canit, nempe Christo præceptore edoctum, quanam sit maxima hominum ægrotudo, quæ causa morbi; quo medico, quibus modis & remediis leuari curarique possint. Eumque explicati Euangelij auctorem cõmemorat, & gesta Apostolorum scripsisse; cuius libri summa ratio est, diuini spiritus sanctificationis virtutem indicare. Demum Pauli Apostoli comitem, & rerum gestarum testem, & scriptorem eundem canit.

Argum. Tabul. xxx i i i.

Abstruso sapientia.] Diuinam naturam vnicam, personis trinam, consiliis altissimam, actionibus omnipotentem, humanam etiam regenerationem admirandis modis Iohannes Euangelista, scriptis à se Euangelio, Epistolis & Apocalypsi tractat: ita vt nullus auctorum sacrorum tam altè penetranda mysteria chartis exposuerit; ideo penitissimus arcanorum index in dedicatione appellatur.

Oda xxx i i i. Argum.

Admiranda Euangelij & ceterorum Iohannis scriptorum argumenta, admiranda etiam verba, non ab humano ingenio aut studio profecta, sed diuino

uino spiritu dictata fuisse asserit Ode, eumq; ex piscatoria humilitate ad illu- strissimam conditionem discipuli cha- rissimi, testis integerrimi diuinitatis & humanitatis suæ, itē filij & custodis ma- tris suæ à Christo fuisse delectum canit.

Argum. Tabul. xxxiii.

Felicitis seculi initia.] Aurea noui Testamenti & Euangelij ætas à conce- ptu & ortu Iohannis Baptiste inchoa- ta est, vt docet D. Lucas.

Dedicationis Argum.

Deo consuli perpetuo sapiētis- simo.] Illius enim de humana salute consilium perpetuum fuit, atque ita sa- pienter institutum, vt oportuno tem- pore explicari cœperit.

Odæ xxxiii. Argum.

Tempus illud expectatum atque ex- optatum pjs omnibus, quod à Deo ite- rum humanam naturam alloquente, & renouandam pollicito (vt constat ex Ge- nes. cap. 3. vers. 15.) significatū est, iam ex eo tēpore. cœpisse indicat poëta, cum Angeli terras, & hominum colloquia fa- miliarius frequentarent. Cuius rei ex- emplum editum est in legatione ad Za- chariam per Angelum delata, quæ hoc loco eleganter narratur; simul & Io- hannis Baptiste animus, mores, virtus, & munus predicatur, & visionis certa fides populo facta ostenditur.

Argum. Tabul. xxxv.

Rerum nouandarum exemplū.] Quod virgo concipiat, virgo pariat Deū & hominem, ex Spiritus sancti opera & Altissimi virtute hæc fiant: exemplū manifestum est posse renouari humanā naturam, in melioremq; traduci condi- tionem, idq; à Deo adornari.

Inscriptio.

Deo electori.] Qui humiles exal- tat, & nonit eos, quibus magna nomina imponere constituat, vt non gloriatur omnis caro, sed ipsi auctori gloria ad- scribatur.

Odæ xxxv. Argum.

Inducit Angeli salutatis orationem, & virginis audientis honestatem, mo- destiam, prudentiam, ac viuam fidem decantat.

Argum. Tab. xxxvi.

Pietatis cōcordia.] Qui vera pie- tate calent, adeo non inuident alijs ma- gnas dignitatum, & munerum, benefi- ciorūque acceptorum à Deo faculta- tes & conditiones, vt studiosissime gra- lentur.

Inscriptio.

Fœminæ sanctissimæ.] Maria, quæ beatam dicent omnes generationes, san- ctitatem Elisabethæ testimonio celebra- tam hæc tabula continet.

Odæ xxxvi. Argum.

Canit Elisabeth iam ex diuino mi- raculo gravidam, maiori Spiritus vi au- ctam fuisse visa virgine Maria, quam Dei matrem agnouit, & beatam præ- dicauit; quæ summa modestia & hone- state, summa fide ac virtute hospitium in se parauerit Deo, idq; non suo tantū; sed infantis in utero suo contenti sensu comprobatur, cuius lætitia ipsa etiam ex- ultauerit.

Argum. Tab. xxxvii.

Aurora diei nuntia.] Aurora non est ipsa lux, sed à die & sole efficitur, quem præcedit annuntians; sic Ioannes quamuis lucerna ardens esset, non erat

ille lux, sed vt testimonium perhiberet de lumine.

Dedicatio.

Deo prospectori.] Magno enim apparatu signorum & miraculorum in conceptu & ortu Iohannis Baptiste significabat Deus humanæ salutis negotium à se maturari.

Odæ xxxvii. Argum.

Genethliacum carmen est, quo Iohannis Baptiste auctoritas, dignitas, munus, officium, & vitæ genus horridum, & à voluptatibus mundanis alienum celebratur; idq; eleganti dicendi figura.

Argum. Tab. xxxviii.

Sol iustitiæ exoriens.] Christus orbem in tenebris iacentem illustraturus, virtutis suæ signum ipso ortu suo dedit, luce per noctem illustrante, & Angelis canentibus, pastoribusq; simplicibus ad mirandum spectaculū vocatis.

Dedicatio.

Humanæ sortis susceptori Deo homini.] Qui factus est homo ex semine Dauid, formam serui accipiens, per omne infirmitatis humanæ genus (peccato excepto) tentatus.

Næniæ Argument.

Natura humana mirata nouum genus infantis, agnoscit Deū in mūdū venisse hominē, qui, infirmitatibus ipsius susceptis, renouationē admirandā efficiat.

Argum. Tab. xxxix.

Charitas nihil recusans.] Hanc maximam præstitit Christus, qui exinanauit semetipsum, vltro suscipiens vitæ mortalis labores, & legis seruitutem pro hominibus, quorum salutis causa in mundum venerat. idq; ex dedicatione etiam declaratur: Principi summo

pro reipubl. libertate seruienti.

Odæ xxxix. Argum.

Mirandum esse ait, quòd Deus voluerit experiri labores & dolores, quibus humana mortalitas premitur, cum tamen ille optimè cognosceret è calo, quàm magni illi, & quàm à diuina natura alieni sint. Vnde consequitur, Dei filium sponte venisse, & suscepisse illam seruitutē, atque sese legi subdidisse, circumcissione accepta, qua signum erat adscriptionis in populum Dei; non vt ipse adscriberetur, sed vt homines seruos, quibus similem se præbebat, in gratiam conciliatos, cælesti regno ciues adscriberet. Absoluitur Ode significatione nominis à Christo per illam suam summā modestiam & humiliationem reperti.

Argum. Tab. xl.

Gentium lux.] Christus lumē fuit ad reuelationem Gentium, Luc. 2. qui statim vt natus est, magis affulsit cognoscendus.

Dedicatio.

Deo immortali, homini vero, regi liberatori.] Indicat significationem munerum à Magis prolatorum.

Odæ xl. Argument.

Solem exortum antea videri ab ijs, qui in montibus versantur, quàm ab ijs qui in nebulosis vallibus errant: ita Christi numen & nomē prius cognitum est Gentibus, qui Deum ex natura obseruatione verè & simpliciter quærebant, quàm à Iudæis, malitia, ambitione, & cupiditate excacatis, & à propria veraque doctrina ob propriam culpam alienatis.

Argum. Tab. xli.

Diuina tutela.] Nihil consilia, studia,

dia, commenta; potentia humana nocere possunt ijs, quos Deus suscipit seruandos, quosq; prouidentia tuetur sua. Legē sententiā distichi huic tabula inscripti.

Inscrip̃tio.

Principi optimo pro suis exultanti.] Vt ex figurato figura adimpleretur, sicut scriptum est, Ex Aegypto vocaui filium meum.

Ode xli. Argum.

Inducit Ode viatorem quendam, qui cum Ioseph de itinere disserat, quod institutū videt cum virgine honestissima, & puero mortālē vicem superantē. Ille exponit quis sit puer, qualis mater, quis ipse, quōd prope, cuius cōsilio, & quam ob rem; nimirum Dei consilio se petere Aegyptum, vt ibi asseruet pignus publicae salutis, resarciturum omnem humanam iacturam abundantissimē tempore à Deo constituto.

Argum. Tab. xlii.

Gratiarū thesaurus.] In Iesu Christo enim sunt omnes thesauri sapientiae & scientiae Dei absconditi. Coloss. 2. ver. 3.

Inscrip̃tio.

Diuinitati emicanti.] Pueri prudentiam, & profundas cogitationes admirati senes illi peritissimi diuina natura vim interpretari debebant.

Ode xlii. Argum.

Inducit adstantium & asidentium puero Iesu admirationis plenam orationem, qua planē illa respondentis pueri sapientia diuina esse probatur.

Haecenus lucis exordia & solis in terra orti demonstratio.

Nunc iam deinceps Euangelij series contexitur.

Argum. Tab. xliii.

Lucis diuinæ coruscatio.] Penitentia à Iohanne indicta initium fuit boni nuntij de hominum publica salute iam orbi allati. Non enim Iohannes erat lux, sed vt testimonium perhiberet de lumine.

Inscrip̃tio.

Salutis nuntio grauiissimo.] Magna & planē diuina auctoritate Iohannes präditus fuit, vt praesentem orbis redemptorem testaretur, quem ceteri propheta futurum prädixerant.

Ode xliii. Argum.

Carit Ode salutis aduenientis testimonij & praconij per antiquos vates praedictum, & indicatum à Iohanne secundum Iordanem; idq; in magna & celebri populorum frequentia; ab eodemq; de duplici Euangelij efficientia dissertū fuisse; totum denique Iohannis officium indicat.

Colonus Gentibus impijs vicina iungens praedia. Periphrasis est Galilae.

Argum. Tab. xliiii.

Modestiae ornamentum.] Iesus à Nazareth veniens, nihil de se profertur magnificentissimum, sed, vt alij, baptisum petit, quo tamen non indigebat. Ea modestia admirando Dei praconio & testimonio ornata est. Id aded in dedicatione significatur, Christo Dei filio pronuntiato.

Ode xliiii. Argum.

Poetica elegantia & eleganti veritate describit latitiam publicam ab omni natura rerum celebratam eo die, quo Christus à Iohanne baptizatus est; vbi Trinitatis persona apertis

B 2

arguit

argumentis probata fuere, & illa profunda charitas Christi ostensa; qui cum in forma Dei esset, formam serui accepit, & per omnia factus est obediens patri, & sese minoribus, hoc est, hominibus subdidit.

Argum. Tab. XLV.

Scripturarum utilitas.] Probatissima aduersus impetus diaboli arma verbum Dei est; quamobrem Christus ad doctrinam nostram diabolicas tentationes petitis ex sacra scriptura telis superauit.

Dedicatio.

Christo duci inuictissimo.] Quæ præcuntem & docentem atque adiuantem qui sequentur & imitabuntur milites, ab aduersario non superabuntur.

Odæ XLV. Argum.

Christo victori Angeli accedentes ministrabāt, quos omnis prælii commisit, & triumphus per Christum reportati narratores inducit Ode.

Argum. Tab. XLVI.

Naturæ innouandæ argumentum.] Vinum ex aqua factum, idque optimum.

Dedicatio.

Christo curatori benigno.] Vbi ille præsens est, nihil desiderari potest, modo commodum opportunumque sit.

Odæ XLVI. Argum.

Docet hoc carmen Christum præsentia sua nuptias legitimas à Patre suo institutas ornasse, & significasse etiam amorem suum erga Ecclesiam, quam sibi spiritali & arcano matrimonio copulare instituerat; deinde huius rei confirmatione & virtutis Christi signum primum celebrat, aquam in vinum conuersam.

Argum. Tab. XLVII.

Diuinæ disciplinæ schola.] Constat magna veritate & simplicissima sapientia à mundi opinionibus aliena; constat etiam discipulis simplicibus, & veri ac boni tantum cupidis. Huc & dedicatio pertinet, Simplicium doctorum optimo. Vnde Paulus nihil se scire velle nisi Christum aiebat, 1. Corinth. 2.

Odæ XLVII. Argum.

Canit Ode Christi doctrinam ex Patris sapientia profectam, duplici virtute præditam, illustrandi & fouendi mollia corda; idque ex efficacia sua: rursus contundendi & premendi atque obdurandi crassa & terrena pectora, idque ex consequenti euentu; atque adeo ex ipsorum culpa qui difficiles sese præbent: illis fructum esse vitam, his mortem.

Argum. Tab. XLVIII.

Lætissima orbi legatio.] Sicut scriptum est, Quam pulchri super montes pedes annuntiantis, & prædicantis pacem, annuntiantis bonum, prædicantis salutem, Isaia 52.

Dedicatio.

Magni consilij nuntio summo.] Christi titulus hic est, quem Euangelij summum ministrum circumcisioni promissum & datum Paulus appellat, Roman. 15. ille alios salutis annuntianda causa subdelegauit.

Odæ XLVIII. Argum.

Docet opportunam Christi & sollicitam curam mittendi Apostolos, qui salutis nuntium, cum magnis miraculorum ad confirmationem beneficijs, Gentibus; nimia veritatis audienda penuria laborantibus, afferrent: atque adeo ipsi cum multi-

multipli & grati sui ipsorum incon-
modo mundum doctrinæ salubris medi-
camentis curarent, spe præmij non in
rebus terrenis, sed celestibus propofiti.

Argum. Tabul. XLIX.

Providentia certissima.] Oſten-
dit Chriſtus certiffimam eſſe providen-
tiam erga eos, qui ſe doctorem ac ducẽ
ſequuntur; quibus nihil vnquam deerit
eorum quæ neceſſaria ſint & commo-
da, tametſi ſuperflua non ſuppeditetur.

Dedicatio.

Humanæ infirmitatis curatori.]
Chriſtus enim ipſe vltro proſpicit vitæ
ac neceſſitati hominum, qui ipſum qua-
rentes petunt. Miſereor, inquit, ſuper
turba, &c. Marc. 6.

Odæ XLIX. Argum.

Expoſitione miraculi in tanta homi-
num multitudine, tam exiguo ſumptu
paſcenda, arguit humanam ſtultitiam,
quæ terrena multo labore querit, cum
eadem copioſa magis, longèque ſuauiora,
& iucundiora contingant ijs qui ſpi-
ritualia à Chriſto petunt.

Argum. Tab. I.

Fidei momentum.] Lazarus
ſaſcitatus ex mortuis illuſtre admodum
exemplum eſt efficacitatis fidei viuæ;
quæ cum confeſſione ſorum oſtende-
retur, impetrare potuit à Chriſto qua-
triduo iam mortui hominis reſtitutionẽ.

Dedicatio.

Vitæ auctori efficaciffimo.] Illo
miraculo Chriſtus confirmavit ſe eſſe
vitæ ſpiritualis auctorem, vt in Euange-
lijſ exponitur.

Odæ I. Argum.

Eiuſdem ſententiæ eſt Ode cum in-
ſcriptione & dedicatione Tabule.

Argum. Tabul. LI.

Salutis oblatio.] Vltro nos Deus
dilexit; vltro filium ſuum in mundum
miſit, vt diſſolueret opera diaboli: vltro
filius ipſe ſpectandum agnoſcendumq;
ſe præbuit.

Dedicatio.

Regi legitimo declarato.] Quẽ
Deus certis ſignis ſpectandum per pro-
phetas indicari ac prædici curauerat.

Odæ LI. Argum.

Canit latiſſimam illam diem Ieroſo-
lymis illuſiſſe, quæ rex Chriſtus pater
futuri ſæculi, & ſalutis pontifex urbem
ingreſſus eſt, agnoſcendus ſignis per
prophetas prædictis, humilis & man-
ſuetus, non faſtu illo mundano regum
& principum damnoſo & graui. Qui-
bus vulgus vel ſpe, vel metu, vel leuitate
magis aliquando quàm iudicio blãditur
& adulatur. Sed Chriſto turba plaud-
bat propter memoriam miraculorum
& doctrinæ.

Argum. Tab. LII.

Celatum antiquis ſæculis arca-
nũ.] Quod in illa ſacroſancta cœna &
corporis ſui cum hominibus communi-
catione actum eſt myſterium antiqua
ſæcula nunquam intellexerunt.

Dedicatio.

Dei benignitati admitandæ.]
Qui filium ſuum nobis dedit, non ſolum
vt ſuam naturam nobis communicaret,
ſed vt noſtram culpam ſuſcipiens lueret
atque expiaret.

Odæ LII. Argum.

Canit admirandum conuiuium à
Chriſto exhibitum hominibus, ſibi etiã
deſiderio deſideratum, in quo præſente
olim liberationis ex Aegypto lux ipſa &

B 3

veritas.

veritas spiritualis liberationis apparata fuerit miro modo. Perstringit autem multa mysteria de virtute, & efficientia sacrosancti sacramenti corporis & sanguinis Domini, quæ longam desiderant explicationem.

Argum. Tab. LIII.

Publica victima.] Hostiam & oblationem nolūsti, corpus autem aptāsti mihi: holocausta & pro peccato non tibi placuerunt: tunc dixi, Ecce venio: Hebr. 10.

Dedicatio.

Sacerdoti æternū vncto.] Idem enim fuit victima, idem Sacerdos in æternum secundum ordinem Melchisedech.

Ode LIII. Argum.

Comparat infirmitatem antiquorum sacrificiorum & victimarum ipsarum, cum Christi victima & sacrificio: & Philosophicis, ac Theologicis argumentis ostendit oportuisse Christū pati ad mundi tollenda peccata, quæ illis antiquis servitutibus destrui nō poterant: obiter autē indicat magnū illud mysteriū redemptionis, in morte & resurrectione Christi.

Tab. LIII. Argum.

Publici debiti gravitas.] Hanc arguebat illa deprecatio Christi ter repetita.

Dedicatio.

Humanæ miseriæ susceptori.] Christus enim miseram illam conditionem hominum ex peccato ortam cum peccatis ipsis in se suscepit, gravissimum quidem onus, sed quod tales postulabat humeros. Isai. 53.

Ode LIII. Argum.

Exponit causam illius anxietatis &

sudoris sanguinei Christi orantis: quam indicat fuisse peccatorum mundi, tum multitudinem innumeram, tum gravitatem immodicam.

Tab. LV. Argum.

Improbis permixta impotentia.] Furit humana improbitas ubi potestas tenebris facta est, atque in innocentissimum sauit importunissimè.

Dedicatio.

Agno salutari mitissimo.] qui coram condente se obmutui de salute eorum cogitans, à quibus crudeliter tractabatur. Isai. 53.

Ode LV. Argum.

Ferociorēs & noxias magis tenebras fuisse ait, quæ tempore passionis Christi grassate sunt, quam eas quæ ante mundum conditum abyssum occupabant. illa prisca tenebra, vel nihil, vel abyssum premebāt, ex qua oritura erant res corporeæ: hæ verò innocentissimum Christum vitæ fontem vexabant.

Tab. LV. Argum.

Virtus mundo inuisa.] Tantam lucem tenebra ferre nequeunt, quamobrem innocentia à nocentibus, simplicitas & virtus, atque modestia summa ab avaris, ambitiosis & peccatoribus damnatur.

Dedicatio.

Innocenti pro sceleratis deuoto.] Ipse enim sese deuotus patri pro nobis, atque pro omnibus, etiam ijs, à quibus damnabatur, si tamen illi vellent aliquando suum matum agnoscere, & illius beneficio indignos non se præberent.

Ode LV. Argum.

Ostendit magistros & præfectos ambitione, & suorum commodorum studio excecatos

exccatos, non modò ipsos impiè & sceleratè agere, sed reliquo populo magnorum scelerum & iniuriarum auctores esse. Cuius rei exemplum manifestum est in illa Christi damnatione apud pontificem.

Argum. Tab. LVII.

Felicitas repulsa.] Christus in propria venit, & sui eum non receperunt suo ipsorum magno malo.

Dedicatio.

Agno à lupis leoni obiecto.]

Gentibus Christus est traditus Iudeorum sceleratissimorum dolo. Gentes ferarum instar habuere; atq; ita crudeliter à gentibus Pilato & militibus tractatus est.

Odæ LVII. Argum.

Indignationem continet carmen, aduersus eos, qui beneficentissimū & multis exemplis utilissimum probatum salutis auctorem Iesum, immanibus modis exceptum, tanquam nocentissimum & execrandum malefactorem tradebant iudici iniquo. Hoc autem indicat humanam peruersitatem, & diuinam bonitatem.

Argum. Tab. LVIII.

Innocentia spectatissima.] Traditus Christus etiam inuidis & suspiciosus tyrannis, & remissus ad Pilatum testimonium vndeunque exploratissima innocentis, & omni exceptione superioris vita refert: ex quo consequitur, eum alienas culpas luere, non suas, quas nullas habebat. id que in dedicatione significatur.

Humanæ causæ procuratori fortissimo.] Qui nihil probri & contumelia, atque laboris & plagarū non subiit,

& pertulit hominum causā, quam videri perferret, nulla vel grauiuscula retardatus est re.

Odæ LVIII. Argum.

Pilatus index metu actus iudicij à se iniquè in Christū exercendi, reum Herodi mittit iudicandum. Herodes nihil dignum inuenit morte in eo, sed curiosè experiri virtutem cupit: cui cum nihil responderet ad illam leuem cupiditatem Iesus fastiditus, magis ob illam integritatem & stultus iudicatus, quam damnatus, remissus est ad Pilatum; atq; idem apud vtrunque constitutus, admirabili quadam virtute & arcana vtrunque ex inimicis reconciliauit.

Argum. Tab. LIX.

Pacis humanæ disciplina.] Christus attritus propter peccata nostra, indignationem Dei erga homines in se infusam & grauiusculam sua obedientia & innocentia placauit.

Dedicatio.

Ignominia publicæ susceptori.] Ignominiosum fuit flagellari hominem sceleratum: summa verò ignominia innocentem pro scelerato plagis affici, has plurimas Christus innocentissimus pro sceleratissimis pertulit.

Odæ LIX. Argum.

Conqueritur innocentem ita crudeliter verberari à nocentissimo carnifice, qui nihil commertus fuerit, quam obrem verberaretur: & interim illis plagis acceptis, sanet alienas noxas, atque adeo in hoc intentus sit, ut vel ipsi tortori suis vulneribus prosit.

Argum. Tab. LX.

Humanæ mentis leuitas.] Quæ

B 4.

inno-

innocentem, & beneficum, atque omni ex parte vilem agnitum, manifestario & publico malefactori posthabet.

Dedicatio.

Hæredi æterno à seruis expulso. Tantum humana cupiditas & ambitio mali suadet hominibus.

Oda LX. Argum.

Vulgi leuitatem detestatur Ode, qui nullo consilio à bona sententia in pessimā mutatur; & viros pios ac probos omnes hortatur, ne vllum sibi honorem in populi ac vulgi opinione constituāt, nisi in virtute atque beneficentia, cui coronam nec addere, nec detrabere vulgus potest.

Argum. Tabulæ LXI.

Lux inter tenebras.] Qui peccatum non nouerat, inter peccatores vt execrabilis ducitur, ita tamē, vt in medijs iudicis erroribus, & accusatorum insanijs illius innocentia fuerit testatissima.

Dedicatio.

Innocentiæ pro nocentibus traditæ.] Hac enim hostia mundi peccata expianda decreuerat Deus.

Oda LXI. Argum.

Summam Christi potentiam, virtutem, & amplitudinem maximam, ad inortem vsque crucis pro nobis humilem & obedientem, miratur Ode. Describit autem tum dignitatem propriam, tum humilitatem susceptam appositissimæ antithesi.

Argument. Tabulæ LXII.

Sacrificium summū.] Antiquorū cultuum & sacrificiorum cōsummatio: vnā enim offerens hostiā Christus id fecit & impetravit, quod antiquæ legis sacrificijs impossibile fuerat. Heb. 10.

Dedicatio.

Sacerdoti maximo pro populo litanti.] Idem enim & efficientissima victima, & gratissimus pontifex fuit, qui Aaronis sacerdotium in æternum Melchisedechi mutauit.

Oda LXII. Argument.

Negotium salutis humana decretum à principio mūdi, quod natura ipsa propter infirmitatem efficere nūquam posset, Christus sacerdos Dei filius ex amore proprio, paternaq; gratia præstitit, factus maledictum pro nobis, & subiectus tenebras mortis, vt nos educeret in lucē. Hoc arcanum nunquam intellexit Satanas, donec iam ita cōstitutum fuisset, vt serō sapientem se perturbaret conatum impedire per somnia & terrores vxori Pilati iniectos, sed frustra.

Argum. Tabulæ LXIII.

Inimicitia cōpositæ.] In Christi cruce & morte reconciliatus est Deo mundus, qui antea erat inimicus, nisi tamen ipse à recōciliatione sua culpa alienetur.

Dedicatio.

Inferorum expugnatori expoliatori fortissimo.] Mortuus Christus non cessat, sed inferas sedes, quas moriens expugnauerat, petit, & expoliat, redemptis ijs qui in illius fide ac spe mortui fuerant.

Oda LXIII. Argum.

Ostendit Ode à virgine matre magnum dolorem ex occisi filij spectaculo acceptum fuisse, nunquam tamen eiusdem resurrecturi fidem, spem, atque expectationem abfuisse. Id autem elegantissimilitudine decantat ex rerum natura petita.

Argu-

Argum. Tabulæ LXIII.

Humani generis diuiciæ.] *Christi sese ad mortem vsque demittentis inopia diuites facti sunt, quicunque in ipsius mortem baptizati sunt, 2. Cor. 8.*

Dedicatio.

Dedicatio continet epitaphium rerum à Christo susceptarum & prestatarum, dignitatis & efficientia illius summam complectens, atque breui futura resurrectionis spem confirmandans.

Carminis LXIII. Argum.

Elegiacum carmen inscriptionis instar habet hoc loco: alloquitur saxum viuum sepulchri vt testem perpetuum futurum mortis, & incorruptionis, ac resurrectionis Christi, atque etiam inimicitarum inter Deum & homines compositarum morte & resurrectione Christi.

Argum. Tab. LXV.

Vita orbi allata.] *Christus mortuus est propter scelera nostra, & resurrexit propter iustificationem nostram, Rom. 4.*

Dedicatio.

Iesu Christo mundi, mortis, inferorumque victori potētissimo.] *Qui potest gratiam suis impetrare & impertiri vincendi ea, quæ ab illo victa sunt, Iohan. 16.*

Odæ LXV. Argum.

Canit die resurrectionis Domini naturam omnem exultatione & plausu testatam fuisse, nouam hominibus vitam per Christum deuicta morte allatam.

Tab. LXVI. Argum.

Veritas spectatissima.] *Christi resurrectio non potuit non notissima esse tanta copia testium.*

Dedicatio.

Christo viuenti perpetuo omnium Domino appellato.] *Data est mihi omnis potestas.*

Odæ LXVI. Argument.

Eleganti similitudine proposita ostendit discipulorum turbatos metu, & consternatos dolore animos ita habuisse, vt non nisi multis testimonijs & periculis factis, Christi resurrectionem crederent. Magnam verò vtilitatem hominibus alijs ex discipulorum longa dubitatione allatam probat, quodd nulla iam alijs ratio sit relicta dubitandi. Concludit autem illos fuisse felices qui sensu ipso sape certiores facti sunt Christi resurrectionis, sed beatos fore qui non viderint, & crediderint.

Argum. Tab. LXVII.

Emerita gestorum gratia.] *Christus obedientia sua vsque ad mortem, & resurrectionis triumpho gratiam emeritus est, quam venerat acquisiturus Ecclesie, cuius caput ipse est. ideo in caelum ascendit, vt ad dexteram patris sedes, perpetuum suis regnum conseruet. Itaque ipse peperit sibi nomen quod est super omne nomen: captiuam duxit captiuitatem, hominibus gratiam à patre suo impetrauit.*

Dedicatio.

Christo triumphanti.] *Triumphator Christus victa morte calu ascendit, Ecclesiam suam Spiritus sancti inde missis muneribus ornaturus.*

Odæ LXVII. Argu.

Canit Christum ex seruitute, quam factus homo obisset, in eam euasisse gloriam, vt humane sue natura nomen & præconium filij Dei publice celebrandū

parauerit, simul & diuinos honores hac etiā parte fuerit promeritus, ita ut caro humana Christi, diuina etiam caro appelletur. Deinde narrat admirationem discipulis tali spectaculo factā, & Angelorum testimonium de Christi auctoritate & maiestate.

Arg. Tab. LXVII.

Humani generis renouatio.] Spiritu sanctificationis à Christo immissio, noui homines, nouaq; creaturae re ipsa fiunt; quos credentes, & obediētes sibi, tanto honore dignatur Deus.

Dedicatio.

Christo regi potentissimo, ditissimo, liberalissimo, hominum deificatori.] Ex plenitudine eius accipiunt homines spiritum illum sanctificationis & adoptionis filiorum, quo charissimi effecti, filij Dei nominantur, & sunt, 1. Iohan. 3.

Odæ LXVIII. Argum.

Canit Ode admirandam illam donorum Spiritus sancti distributionem, à Christo ad Patris dexteram sedente in suos factam, quam antiqui omnes pii utcumque praecognitam ipsi etiam optauerant, & gratulati posteris praeuenerant futuram. Deinde indicat effectum Spiritus sancti in eos, quos penetrat. Postremo hortatur omnes pios ad huiusmodi dona expetenda, & contento pietatis studio à Christo impetranda. Nihil enim ille magis cupit, quam ut hic ignis, quem venit mittere in terram, accendatur, Luc. 12.

Arg. Tab. LXIX.

Christi virtutis specimen.] Cuius absentis nomen tantam vim habet, ut in signum veritatis illius sanitas red-

datur ijs, quos secundum naturam sanari impossibile erat.

Dedicatio.

Christo in perpetuum saluari.] Cuius virtutem perpetuam esse testantur miracula, orbi à discipulis post eius in caelos ascensionem facta. Namque ille caelestium status non mutatur, aut minuitur; vnde in perpetuum seruare potest accedentes ad Deum per ipsum, Hebr. 7.

Odæ LXX. Argum.

Docet magnam atque admirandam hominum mutationem, eorum quas diuinus spiritus imbuerit; exēplo Petri, qui non ita pridem ad puellulā vocem negauerat se nosse Iesum, metu correptus. Idemq; Christo dissuadere volebat mortem pro mundi salute subeundam: & paulo post tempore in eam fortitudinem euasit, ut humana omnia, quae vel timeri, vel appeti solent, superauerit, & magna virtute miracula Christi nomine ediderit.

Argum. Tab. LXX.

Christianae simplicitatis victoria.] Saulus exemplum sapientiae, praudentiae, contentionisque humanae audito Christi mandato superatus, ex lupo agnus redditur.

Dedicatio.

Christo vindici efficacissimo.] Qui molestiam suis exhibitam ipse ita sibi exhiberi, grauēque esse affirmat, ut vindicet etiam. Saule, Saule, inquit, quid me persequeris?

Odæ LXX. Argum.

Mutationem illam admirandam Pauli ex persecutore Ecclesiae in propugnatorem canit Ode, ostendens quid impellat

impellat error, & studium, & persuasio popularis atque magnatum. Rursus quid possit Christus mutare & efficere, Spiritu sancto immisso in eos, qui sibi obediunt.

Argum. Tabulæ LXXI.

Humanarum rerum necessarius exitus.] Nullus hominum effugere poterit, quin reddat rationem eorum, quæ fecerit in corpore, siue bonum, siue malum: omnes enim manifestari oportet ante tribunal Christi, 2. Corinth. 5.

Dedicatio.

Christo regi benignissimo, vltiori quæ iustissimo.] Qui reddet unicuique iuxta opera sua, Lege secundum

caput Epistolæ ad Romanos.

Odæ LXXI. Argument.

Hominum res aliqua ex parte in hoc mundo turbatas certam diem habere ad examinandum, atque pro iusti iudicii ratione vel premio, vel supplicio compensandum Ode canit. Quæ die nihil optatius pijs, nihil impijs minus optatum esse potest; cum alijs virtutis & pietatis cultæ corona, alijs impietatis, & improbitatis exercitiæ pœna imponenda sit. Hortatur demum omnes, ut sibi consulant, & brevis vitæ recte exercitiæ spacio magnum æternorum laborum incommodum vitent, magnumque maximorum bonorum compendium faciant.

DIVI-

DIVINI DE HUMANA SALVTE CONSILII

SECVLORVM SERIE EXPLICANDI

INDEX.

- P** R I M V S proponitur Moses antiquorum arcanorum explicandorum, & futura salutis significanda vates à Deo constitutus.
- 2 Hic mundi creationem, & hominum ruinam narrat.
- 3 Initium seculorum omnium, quæ ad humana salutis negotium referuntur, adnotatur ab eo tempore, quo Deus hominum ruinam misertus, salutem adferendam, dignitatemq; amplificandam in se recepit. Hæc est fœderis promissio.
- 4 Fœdus malitia hominum ferè interruptum cum Noë instauratur, sicut scriptum est: Ponam pactum meum tecum.
- 5 Idem fœdus iam propius & clarius Abrahæ expositum primum vocato promittitur. s. s. E. Et benedicam tibi, & magnificabo nomen tuum.
- 6 Postea eidem Abrahæ fidei experimentis probato confirmatur. s. s. E. Benedicentur in semine tuo omnes gentes terræ, Genes. 15.
- 7 Deinde etiam Iacob dormienti scala per quietem visa admirando arcanoque modo significatur. s. s. E. Benedicentur in te, & in semine tuo cuncta tribus terræ, Genes. 28.
- 8 Iacob moribundus diuinum de humana salute consilium filijs arcano testamento obumbratum significat, & spem fidemque suam hereditario precepto posteris relinquit, Genes. 49.
- 9 Salutis, & libertatis Israëlitarum, quæ humana figura expressa futura erat, dux & procurator natus Moses diuina prouidentia à periculo liberatur, Exodi primo.
- 11 Moses fide antiquarum promissionum fultus, salutis specimen meditatur Aegypto occiso.
- 12 Deus figuram humanæ salutis edere incipit & moliri in rubo ardenti Mosis ostensus.
- 13 Liberati Israëlita ex Aegypto humanam salutem futuram referunt, quæ iam populo comparato instrui inceperat, ex quo populo salutis Pontifex nasciturus erat.
- 14 Mare rubrum absolute salutis figuram obtinuit ex resurrectione mortuorum Iesu Christi.
- 15 Lex in Sina data populi fœdus cum Deo conciliatum probat futura nouæ legis signum.
- 16 Manna in desertum missa admiranda celestis prouidentia signum fuit erga eos, qui diuinæ salutis compotes euasissent.

- 17 Ingressi in promissam terram Israëlita, requiem promissam spirituales cer-
tam p̄ys fore significabant.
- 18 Expugnatio hostilium urbium victoriam sanctorum significabat de princi-
pibus, & potestatibus, & hostibus omnibus reportandam diuina virtute.
- 19 Terra diuisio celestis patriæ possessionem portendebat.
- 20 Testamenti veteris exercitationes omnes & occupationes, v̄etorum salutis au-
ctorem significatum, expectandum predicabant.
- 21 Vnum ex officijs eorum, qui salutem expectant, est p̄nitentie studium legi-
timum.
- 22 Omnia quæ in libris sacrarum historiaram continentur, ad illam veteris te-
stamenti conditionem referuntur, cuius scriptores & prophetas appingere sa-
tis fuit. Fuere autem
Samuel.
- 23 Nathan.
- 24 David.
Salomon.
- 25 Isaias.
Ieremias.
Daniel,
Esdras.

Atque hætenus antiquorum librorum summa est.
Deinde Euāgelij scriptores quatuor sunt, Matthæus,
Marcus, Lucas, & Iohannes, à quibus negotium sa-
lutis cœptum, prædicatum, & expeditum hoc ordine
narratur.

- 34 Præcuroris Christi natiuitas annuntiatur Zacharie.
- 35 Deinde nuntius celestis ad Virginem mittitur, matrem futuram Seruatoris.
- 36 Virgo in vtero gerens Christum, Eliſabeth gratulabunda salutat.
- 37 Præcurfor nascitur.
- 38 Christus nascitur matre virgine.
- 39 Christus circumciditur.
- 40 Rex Iudæorum pronuntiatus Christus adoratur à Magis.
- 41 Ioseph à Deo monitus migrat in Aegyptum cum puero & matre.
- 42 Christus puer, daodecim annos natus, diuinæ sapientiæ argumenta exhibet.
- 43 Iohannes annuntiat Christi præsentiam, præparat animos ad salutis fidem &
spem.
- 44 Christus baptizatus à Iohanne declaratur Dei filius voce celitus audita.
- 45 Christus tentatus vincit Satanam, & specimen dat maximæ victoriæ futuræ.
- 46 Initium signorum Iesu Christi in nuptijs.
- 47 Deinde incipit prædicare Euangelium Christus.

- 48 Duodecim à se electos Euangelij prædicatores delegat.
 49 Testatur miraculo edito se discipulis suis prospicere, & omnibus qui se sequantur.
 50 Lazari excitatione à mortuis testatur se vitæ auctorem, atque adeò vitam esse ipsam.
 51 Christus rex indicatur à Deo iuxta vaticinia.
 52 Christus in cæna seipsum exhibens in cibum spirituale sacramentum mortis sue instituit, in quo magnum consilium Dei editur, antea celatum hosti antiquo.
 53 Christus se Patri offert victimam pro mundi delictis.
 54 Christus orat, commendat se, obedientiamq; suam Patri.
 55 Christus capitur.
 56 Damatur à suis.
 57 Traditur Gentibus.
 58 Deducitur ad Herodem.
 59 Flagellatur.
 60 Postulatur ad mortem à suis.
 61 Traditur crucifigendus, innocens pronuntiatus.
 62 Crucifigitur.
 63 Deponitur mortuus de cruce.
 64 Sepelitur omnia hæc secundum scripturas.
 65 Resurgit secundum scripturas, victa morte, & inferni regno.
 66 Conspectitur certissimis testibus.
 67 Ascendit triumphator in calum.
 68 Mittit Spiritum sanctum, pignus regni à se obtenti, & suis acquisiti.
 69 Testantur Apostoli Christi regnum & virtutem miraculis editis; & sapientissimis orationibus.
 70 Deligitur ex hostibus Christiani nominis sanctissimus in testem locupletissimum virtutis & veritatis Christi.
 71 Finis mundi, & scripturarum omnium statuitur in aduentu Christi iudicis.

...
...
...

...
...
...

...
...
...
...
...

